



CENTRALE V. E. II



NAZIONALE

204

3 - A

26

ROMA

BIBLIOTECA

CENTRALE V. E. II







~~de soliloquio~~  
**SOLILOQVIA**

**DIVINI AMORIS,**



& 204.3.A.26

**EXPOSITIO IN PSALMVM**

**XXXV.**

**BEATI ANDREAE**

**A V E L L I N I**


Clerici Regularis.

Ex eius operibus excerpta.

Ex Italico in latinum  
translata

**A IACOBO DENTICE**

Clerico Regulari.



NEAP. Apud Henuphrium Sauium.

MD CXXXVI.

*Ad usum Directorij Synodici*



Illustrissimo, & Reuerendiss. Præfuli  
D. FRANCISCO SVRGENTI

Patritio Neapolitano

Ex Ordine Clericorum Regularium

Ad Archiepiscopatum Brundusinum

Assumpto,

Mox ad Episcopatū Monopolitanū

Translato:

Quod B. ANDREÆ Auellini

Eiusdem Congregationis,

Quē ad salutē animarū procurandā,

Semper & vsque ad senectā, & senium

Charitas diuina adstimulauit,

Studiosus imitator:

Factus Pastor, & forma gregis,

Secundum Deum ex animo

Diligat eum

Plusquam sua,

Plusquam suos,

Plusquam seipsum:

Hunc libellum mole exiguum,

Sed eximium argumento

Continentem Soliloquia

DIVINI AMORIS,

Et expositionem in Psal. XXXV.

a 2 Ex

Ex operibus eiusdem Beati excerpta  
Et in latinum versa

L.		M.
D.	D.	D.

IACOBVS DENTICE  
Clericus Regularis.



LE-



# LECTORI BENEVOLO.

**I**gnotum tibi esse non arbitror,  
 amice lector, B. ANDREAM  
 AVELLINVM multa Italice scri-  
 psisse, quæ utpote sacræ eruditionis  
 non egena, summamque redolen-  
 tia deuotionem maxima sunt uti-  
 litati ijs, qui habent solatio san-  
 ctos libros. Ob id existimarunt om-  
 nes, quod si in latinam orationem  
 verterentur, iurisque fierent publi-  
 ci, fore ut hi qui prope, & hi qui  
 longe, Itali scilicet & extera na-  
 tiones fructum tamquam ex arbo-  
 re vitæ caperent nedum suaue, sed  
 salubre. Vt id negotij susciperem  
 multi consilijs frequentibus me  
 impulerunt, adeo ut quod à me  
 non auderem (qui quantulus sim  
 probe nosco) fecerim tamen ne ami-  
 cis viderer obluetari. Excerpsi igitur  
 succisuis horis ex pluribus vo-  
 luminibus, quæ Beatus ille scripsit

*calamo nūquam errante, neq; vsq;  
ad senectā ipsam uacillāte, pleraq;  
opuscula, eaq; in vnā collegi farrā-  
ginem, & ex ipsis aliqua varijs ad-  
notationib. vt ut potui cōfirmari,  
animo potius vt in me imprimerē-  
tur boni mores, quam vt ea cōmit-  
terem typis imprimēda. Quę cū vi-  
dissent aliqui, cōsilijs adiunxerūt  
calcaria adhortationum quò saltē  
aliquod ipsoꝝ euulgarē. Adstimu-  
latus igitur do manus alioꝝ placi-  
tis, & hac Soliloquia Diuini Amo-  
ris tibi dedo praelibāda, quib. libuit  
addere expositionē in Psalmū 45.  
daturus alia Opuscula, si hæc à te  
pragustata fuerint cum auiditate.  
Vtinam cedant in Dei, seruiq; sui  
gloriā, & tui utilitatem; quod erit  
si hi cælestes latices ex fonte pu-  
rissimo diuinæ Sapientię proue-  
nientes nihil ex meo aqueductu  
suscipiant terrena facis.*

DE

DE SOLILOQVIIS  
BEATI ANDREAE  
A V E L L I N I

In Latinum ex Italico  
translatis.

D. IOSEPHI SILOS  
CLERICI REGVLARIS.

*Q*uas Diuus tacitis senex medullis  
Cælo corripuit faces beatas,  
Æstu dum nimio calet, refūdīt  
Verbis pectore ab intimo disertis,  
Plenas Numine, concipitque voces :  
Ceu velit facili sinu receptos  
Ignes diuite ventilare lingua.  
Nec sistit. Niueam senex papyrum  
Facundo notat, & perurit igne ;  
Signata ut calamo pio fauilla  
Flagret, perpetuo & perennet æuo.  
Hæc tu, Parthenopes decus superbae,  
Et-

*IACOBE, & decus eruditiorum,  
Ut doctæ excipiant, probent & aures,  
Permittis latior niterc cultu.  
Quàm pulchrè stylus hinc, & hinc uterq;  
Certant vnanimi æmulatione :  
Te facundia ditat eloquentis  
ANDRÆÆ, aurea commodas vicissim  
Tu verba, artificis polita torno.  
Sic tu, DENTICE, bracteis latinis  
ANDRÆÆ pretium facis labori,  
Sic ille ambrosio disertus ore  
Has bellè tibi paginas perornat.  
O, macti vice, mutuaque laude.  
Vultu fulserit elegantiore  
Cultis ille tuis notis renidens.  
Viuas nomine gloriosiore,  
Magni tu senis ore dum peroras.*



D. GREGORIVS CARAFA  
Præpositus Generalis Con-  
gregationis Cler.Reg.

**H**Oc opus inscriptum, Soli-  
loquia, & expositio in  
Psalm.45.B.P.Andreae Auellini  
à P.D.Iacobo Dentice Congre-  
gationis Clericorum Regulariũ  
Theologo ex Italico in lati-  
num translata, cum iuxta asser-  
tionem PP. quibus id com-  
misimus, fuerit approbatum, vt  
Typis mandetur, quoad nos spe-  
tat, facultatem concedimus. In  
quorum fidem præsentēs literas  
manu propria subscripsimus, &  
solito nostro sigillo firmauimus.  
Romæ v. Non. Septembr. 1645.

D. Gregorius Carafa Præposi-  
tus Generalis.

Locus ✕ sigilli.

*D. Ioannes Montoya Secretarius.*

EXCELLENTISS. DOM.

**S**oliloquia B. Andreæ Auellini ex  
Italico in latinum ab A. R. P. D.  
Iacobo Dentice mira felicitate tra-  
ducta iussu E. V. perlegi, nihilq; in eis  
inueni, quod ab omni compositi, præ-  
que animi norma diffentiat.

Excellentiæ Vestræ

Addictissimus seruus

D. Didacus Capycius Latro.

---

Visa retroscripta relatione.

IMPRIMATUR.

Zufia Regens, Sanfelicius Regens,  
Caracciolus Reg. Capyc. Latro Reg.

---

IMPRIMATUR.

Gregorius Peccerillus Vic. Gen.

Frater Ioseph de Rubeis Ordin.  
Min. Conu. S. T. D. Eminentiss.  
& Reuerendiss. Card. Phila-  
marin. Theol.

# INDEX SOLILOQVIORVM.


- 1 **Q**uod homo debeat Deum diligere. pag. 1
- 2 Quomodo debeat Deum diligere. 8
- 3 Cur debeat Deum diligere. 13
- 3 Quod homo debeat Deum diligere, quia vita eius est. 18
- 5 Quod debeat eum diligere, ut eum intelligat. 24
- 6 Quod debeat Deum diligere, ut exurgat à peccatis. 30
- 7 Quod debeat homo amare filium Dei, eo quod factus sit homo. 37
- 8 Quod debeat eum diligere, quia multa pro illo passus est. 45
- 9 Quod debeat eum diligere, eo quod cruci affixus, & mortuus lancea vulneratus fuerit. 52
- 10 Quod debeat amare Deum, quia in eo solo inuenit bonum quo frui possit. 59
- 11 Quod debeat eum diligere, quia in eo solo inuenit, quod faciat pro bono suo. pag. 67
- 12 Quod debeat homo amare Deum, quia

	<i>in eo solo est verum gaudium.</i>	72
13	<i>In Ascensione Domini.</i>	78
14	<i>Oratio ad Patrem æternum, vel cum assistitur sacrificio missæ, uel ante com- munionem.</i>	85
15	<i>Oratio ante communionem ad filium Dei</i>	87
16	<i>Alia oratio ante communionem ad eundem.</i>	92
17	<i>Oratio post communionem ad eun- dem.</i>	97
18	<i>Oratio ad patrem post communionem pag.</i>	149
19	<i>Oratio ante communionem ad Spiritum sanctum.</i>	158
20	<i>Oratio ad Spiritum sanctum post cõ- munionem.</i>	163
21	<i>Oratio ante communionem faciendam pro oportunitate Sacerdotis, vel eius, qui ad sacram sinaxin est accessurus. pag.</i>	167






Sapientiam  
Quam sine fictione didici



Sine invidia communico;  
Sap. VII.



# SOLILOQVIA

B. ANDREÆ

AVELLINI

*Clerici Regularis.*

SOLILOQVIUM PRIMVM.

*Quod homo debeat Deum  
diligere.*

**D**ominator Domine  
sine me loqui ad  
misericordiã tuam  
licet pulvis, & cinis  
sim. Sine me loqui ad te ama-  
tor meus, qui ex eo quod ex-  
poscis amorẽ meum præstas  
mihi fiduciã ad te acceden-  
di. Exposcis à me amorem  
tu, qui nihil habes, nec habere  
potes quod ad te amandum

A

non

non adstimulet. Tu enim bonitatis fons, unde promanant omnia quæ bona sunt, & unde solum potest esse bonum: cur ergo voluntas nostra non ferretur in te quæ nunquam satiari potest sine te? cur diligit vanitatem, & quærit mendacium, cum habeat te Deum fatiantem in bonis desiderium suum? Tu potentissimus es ad saluandum omnes, cur igitur totum cogitatum non iactabimus in te, spem nostram non collocabimus in te, toto corde non diligemus te, qui es adiutor in tribulationibus, & solus potes extēdere brachium tuum ad saluandum nos de inimicis nostris. Tu profusissima liberalitas, qui omnia subiecisti sub pedibus nostris, minuisti nos paulominus ab Angelis; & quasi hoc parum fuerit, nobis te dedisti in præce-

ceptorem , in focium , in cibum, daturus in premium æternum : Cur ergò ingratus detrectabo meipsum tibi red- dere totum , qui totum te de- disti mihi , & cui debeo plus- quam totum . Tu sapientia æterna qui omnia fecisti , & quo non sustentante omnia ad nihilum redigētur. Tu im- mensitas incomprehensibilis qui imples terram possessione tua. Tu pulchritudo antiqua, & æterna sine quo nec Angeli pulchri sunt , nec aliæ creatu- ræ decorę : cur ergo sine te ambulabo in regione umbræ mortis ? cur à te fugiam, cum vbique dextera tua inueniat omnes, qui te non amant ? cur te non amabo toto corde qui solus es bonus, & decorus ?

Sed ò voluntas mea iam non mea quæ decepta abis post vanitatem. O cor meum

4 *Soliloquia*

durum quod nō mollescit bonitas tam immensa, non excitant tam igniti stimuli amoris. O tenebræ offuscâtes plus nimio intellectum meum, qui dum dicit malum bonum, retrahit voluntatem à summo bono. Iam Domine fiducia mea quia semel cœpi, loquar ad te. Homo cum in honore esset si intellexisset amasset te, quia intellectus absq; ignorantix nubilo contemplaretur te Deum æternum, omnipotentem, immensum, bonitatis omnis fontem, nihilq; boni in creaturis cognosceret absq; te, & ideo illas in te amaret, & odio haberet, si à te non essent. At per peccatum quia homo comparatus iumentis insipiētibus similis factus est illis, non intellexit, quæ supra se erant, & ideò vt mutum animal ambulans, corruptus  
in

*B. Andrea Auellini.* 5

in terrenis, nil concupiuit nisi inane, & transitoriū, nil amauit nisi malum. Inde Domine mi totus addictus creaturis factus est vile mancipium rerum mundanarum, qui creatus fuerat à te, vt dominaretur piscibus maris, volatilibus cœli, vniuersisq; animantibus, quæ mouētur super terram.

At ò bonitas inexhausta, quam nequit superare malitia. O amor vehemēs, cui nequit resistere obduratio. O charitas exardescens quam extingui nequeunt omnes aquæ iniquitatū. Multæ erant miseræ nostræ, satisq; peruicacia indurata, & ideo indigebamus te qui multus es in misericordia, & cuius miserationis non est finis. Vidisti enim Domine hominē oblitū tui qui es creator suus, qui

nec diceret vbi esset is qui dedit ei & vitam, & inspirationē & omnia. Considerasti, quod diligendo factus est sicut ea, quæ dilexerat; vnde ambulando post vanitatem vanus factus est, eundo post mundum qui totus in maligno positus est, corruptus est in iniquitatibus eius; & in desiderio animæ suæ concupiēdo quod fallax est & inane, attraxit vētum amoris sui; nec habuit aliquid præter nihil ex vniuerso labore quo sub Sole laborauit. Idcirco Clementissime Domine descendit super nos misericordia tua; & vt viuamus legem amoris posuisti, transferentem de morte ad

*Matth.* vitam, & auferentem velamen.

22. 37. de cordibus nostris. Dixisti.

*Marc.* Diliges Dñum Deū tuum ex toto

12. 30. corde tuo, & ex tota anima tua,

*Luc.* & ex tota mente tua, & ex om-

10. 27. nibus



*B. Andrea Auellini.* 7

*nibus viribus tuis.* Totum amorem requiris, quia nihil debet in homine remanere, qui totus factus est vt laudem dicat nomini tuo. Totum amorem requiris, quia indecens est, vt qui amando Deum fieri potest confors diuinæ naturæ, diligendo vana fiat nihil. Totum amorem requiris, vt totus homo dedicetur Deo qui in eo plasmando, reformando, iustificando fuit totus occupatus. *Ea Domine ante te* omne desiderium meum; fac vt diligam te indigus tui qui dilexisti me minime indigens bonorum nostrorum. Dicam sēper Deus meus es tu, Creator meus, qui me fecisti propter te, qui me conseruasti, vt laudarē te, qui me de laqueo venantium soluisti, vt ambularem coram te, qui me charitate perpetua dilexisti, vt re-

## 8 Soliloquia

demarem te, qui confirmaſti  
ſuper me amorem tuum ar-  
dentem, vehementem, ſuper-  
effluentem, vt ſemper concu-  
piſcerem deſiderare te. Fac  
Domine vt totus ad te con-  
uerſus nunquam deſiſtam à  
te amando, qui es maior om-  
ni amore, & benedictus in ſe-  
cula. Amen.

## SOLILOQVIVM II.

*Quomodo debeat homo Deum  
diligere.*

**O** Domine Deus vita mea  
iubes quod te diligam  
in toto corde, cum illud non  
habeam; & ſi habeo, totum  
diuiſum eſt, diſtractum, &  
obſcuratum. Sed quia Domi-  
ne ita iubes, fac quod iubes;  
crea illud nouum in me, vni,  
reduc, illumina illud, vt totū  
ad

*B. Andrea Auellini.* 9

ad te dirigatur quod depen-  
det à te totum . Scio Domine  
quid requiris à me cum dicis  
*Diliges Dominum Deum tuum,*  
*ex toto corde, & ex tota anima,*  
Vis totam volūtatē meam  
quæ dirigat omnes potentias  
animæ meæ ad te , quia ille  
homo est, qui amat te , & cu-  
stodit mandata tua. Requiris  
à me intellectum vt nihil con-  
templer nisi quomodo possim  
laudem dicere nomini tuo, &  
ad Dei gloriam dirigere om-  
nes actus vitæ meæ. Exposcis  
memoriam; quo recogitem te  
erga me; licet indignum, in-  
gratum, reluctātem; magni-  
ficum, benignum, super mali-  
tia præstabilem. Petis concu-  
piscibilem , & irascibilem , vt  
& ea quæ oculos tuæ maiesta-  
tis offendūt odio semper ha-  
beam, & ea quæ maiestati tuæ  
sunt placita faciam semper .

*Matt.*

12. 37.

*Marc.*

12. 30.

*Luc.*

10. 27.

A 5

Vis

Vis vt diligam te in tota mēte, & in omnibus viribus meis quia nedum externè, sed internè debeo exequi, quæ sint conformia legi tuæ; ita vt nihil fit in intellectu meo, nihil in voluntate, nihil in sensu, nihil in actibus fiat, quod sit cōtra præceptum tuum; nihilq: prætermittatur, quod sit mādātum in lege tua.

O Dominator vniuersorū, quid sum ego vt seruiam tibi cui seruiunt Angeli, cui millia millium ministrant, & decies centena millia assistunt faciētes verbum tuum ad audiendam vocē sermonis tui? Quid sum ego vt diligam te qui habes ministros tuos ignē vrentē, qui etiam spiritu feruētes veluti holocausta, toti incenduntur in amore tuo. Sed vis Domine vt seruiam tibi, vt tali seruitute liber sim; vis vt te dili-

*B. Andrea Auellini. li*

diligam, vt hac dilectione  
mundus sim; vis vt obediam  
præceptis tuis, vt hæreditate  
possideam quæ promifisti ex-  
quentibus mandata tua. Co-  
gnosco Domine quod præci-  
pis quod te amem, quia tu  
prior me dilexisti; & quod to-  
tus te amem quia tu totus  
me diligis, & te totum dedisti  
mihi. Heu Domine mi quot  
vinctus tibi obstrictus sum,  
& non habeo quid retribuam  
pro omnibus, quæ mihi retri-  
buiſti. Creasti me ad imagi-  
nem, & similitudinem tuam,  
Dominum vniuersæ creaturæ  
me fecisti, nihilq; condidisti  
quod non deseruiret meæ vel  
necessitati, vel voluptati: nam  
terra me sustinet, aer reficit,  
aqua refrigerat, ignis fouet.  
Insuper tu es Deus fortitudo  
mea, in quo confortatus om-  
nia possum; tu es firmamentū

meum, in quo subsisto ; tu es  
refugium meum, in quo sum  
securus: tu es liberator meus,  
adiutor meus , p̄tectōr meus  
quo ab omnibus inimicis li-  
ber sum . Tu diligis me, & ni-  
mia charitate diligis, ita vt  
vndiquē circundet me amor  
tuus, & multa sint vincula,  
quibus ad te trahis cor meū .  
Sed quid faciam miser, qui ni-  
hil habeo quod retribuam  
plasmatori meo , creatori  
meo, benefactori meo. O im-  
mensa bonitas , ò viscerosissi-  
ma charitas Domini creato-  
ris mei. Tu Domine scis quod  
substātia mea sit nihilum an-  
te te , & quod nec vnum pro  
mille valeam respōdere; ideo  
iussisti vt redamarem te, vt q̄  
viribus nequeo possim dile-  
ctione compensare . Diligam  
te Domine dilectio mea, dili-  
gam te fortitudo mea, dili-  
gam

*B. Andrea Auellini. 13*

gam te amor meus : adinua  
quæso, & conforta me, vt am-  
plius te valeam diligere, quia  
tua infinita bonitas omni di-  
lectione maior est.

### SOLILOQVIVM III.

*Cur debeat homo Deum  
diligere.*

**S**Cio Domine q̃ totum me  
tibi debeo, & plusquã totũ  
à quo habeo totũ id q̃ sum, &  
q̃ possideo . Cognosco q̃ iu-  
re à me requiris dilectionem  
totam quia indecēs est vt to-  
tus te non redamet, qui totus  
à te amatur: vnde obsecro te  
vt cor meum vnias vt in toto  
corde te redamare possim, &  
tuo nomini cōfiteri . Sed quæ-  
nam tua bonitas, quænam  
clementia Creator mi . Tu  
Deus qui bonorum nostrorũ  
non

14 *Soliloquia*

non indiges vis à me amari,  
 qui à nullo quā à te ipso po-  
 tes digne diligi. Vis vt ego ti-  
 bi seruiam qui habes Ange-  
 los ministros tuos facientes  
 verbum tuum ad audiendam  
 vocem sermonis tui. Vis à me  
 laudari quem laudant Ange-  
 li, & Archāgelī quem Cheru-  
 bim, & Seraphim Sanctus Sā-  
 ctus Sanctus proclamant. Cō-  
 templor Domine charitatem  
 tuam, & obstupeſco, nec ha-  
 bēo quicquam dicere niſi cū  
 Iacobo. *Minor ſum cunctis mi-  
 ſerationibus tuis.*

Gen.  
 32. 10.

Insuper Domine exiſtis à  
 me amorem vt opera mea in  
 te dirigantur, ſintq: ſemina  
 mercedis eternæ, cum nullum  
 opus admittas quod non ſit  
 imperatum à charitate: etc-  
 nim ſi habuero prophetiam,  
 & nouerim myſteria omnia;  
 & ſi distribuero in cibos pau-  
 perum

2. Cor.  
 12. 3.



*B. Andrea Auellini. 15*

*perum omnes facultates meas ,  
& si tradidero corpus meum ,  
ita vt ardeam, charitatem au-  
tem non habuero nihil mihi  
prodest . Vt igitur mihi profit  
quicquid egero, vis vt te dili-  
gam , vt sic munera mea sint  
accepta coram altari tuo, ni-  
hilq; appareat in templo fan-  
cto tuo quod non sit aureum.*

*Etiam Domine requiris à  
me amorem vt fortis sim ad  
omnia quæ euenerint tenta-  
menta . Tu enim scis quam  
multi sint inimici qui quærūt  
animam meam, quam callidi  
ad eam auferendā, quam ma-  
ligni ita vt dicant semper exi-  
nanite exinanite vsq; ad fun-  
damentum; quam fortes, qui  
arma armis coniungunt ad  
validius impugnandum; quo-  
modo ergo potero subsistere  
nisi tu adiunes me? Inseris igi-  
tur in me amorem qui cum  
fit*

fit fortior morte me interritū  
reddat ad tormēta quęcumq;  
etiā exquisita quę furor dia-  
bolicus inuentauerit.

Vnde Domine magnus il-  
le Anachoretarum pater An-  
tonius in fame, siti, frigore,  
nuditate nullam non sentie-  
bat consolationem? vnde tot  
mirabiles triumphos de se, de  
mundo, de diabolo reporta-  
bat, nisi quod amoris tui igne  
succensus purgabat seipsum,  
tanquam aurum in fornace,  
abigebat tenebras errorum,  
vires diaboli debilitabat, &  
quia ex toto corde te dili-  
gebat, & ex omnibus viribus  
suis, famem satietatem, sitim  
refrigerium, frigus fomētum,  
nuditatem ornamentum re-  
putabat? Vnde tot Christi  
Martyres anhelabant educi  
per aquam, & ignem in refri-  
geriū Paradisi; vnde tot puel-  
lę

læ sexu, & ætate imbecilles in Christo confortatæ ad tormenta tanquam ad nuptias properabant, in ijs hymnum lætitiæ concinebant, tyrannos licet crudeles non formidabant: nisi ex eo quod diligebant te Domine qui es fortitudo imbecillium, & nunquam das tentationes absq; prouentu vt possint sustineri?

Vellem te cognoscere pulchritudo tam antiqua. Vellẽ te amare bonitas tam immensa: Veni quæso lux lucis, & fons luminis, dissipa tenebras ignorantia meæ, & illumina cor meum in testimonia tua. Veni Auster diuine conuerte captiuitatem cordis mei, sicut torrens, nec desistas sufflare donec in te confluam, purgatus, & liquidus ob ignẽ amoris tui. Veni dulcedo  
ater-

æterna, & dulcora omnia  
 amara mundi; ita vt lapides,  
 ignes, eculei, gladij, cruces, &  
 si quæ alia dira tormenta in-  
 fernus excogitauerit sint mi-  
 hi deliciæ. Sis fortitudo mea  
 vt non timeam vel diaboli cru-  
 ciatus: sis firmamentum meum  
 vt infractus sustineam omnes  
 fluctus afflictionis: sis laus  
 mea vt etiam inter ipsa tor-  
 menta repleatur semper os  
 meum laude tua. Qui viuus &  
 regnas cum filio tuo, & Spiri-  
 tu Sancto vnus Deus in sæcu-  
 la sæculorum.

#### SOLILOQVIVM IV.

*Quod homo debeat Deum dilige-  
 re quia vita eius est.*

**O** Deus vita cordis mei  
 vis vt te diligam, vt vi-  
 uere possim; quia absq; te nec  
 viui-

uiuimus, nec respiramus. Etenim tu vita nostra es, tu spiritus oris nostri si diligemus te, quia qui non diligit manet in morte. In vmbra tua viuemus Domine quia absq; te neque hic degere vitā possumus viuificātem, nec in patria glorificantem. Scio Creator meus quod non vis mortem peccatoris, sed vt cōuertatur, & uiuat; & quod ideò misisti Filiū tuum, vt nos qui mortui habitabamus in sepulchris, vitā haberemus, & abundantius haberemus. Ideo enim infelicissima est mors damnatorū, qui semper uiuent moriendo, eo quod nunquam poterunt leuare oculos suos ad te in quo solo vita est, & sine quo nihil est quod uiuat. Ideoq; cōtra felicissima est fors Beatorum qui nunquam cessare possunt ab amore tui, vnde  
ine-

inebriati ab vbertate domus  
tuæ, & torrête voluptatis tuæ  
potati, nunquam tangentur à  
tormento mortis, quia cum  
sint in manu tua, in te semper  
viuent, qui es vita viuentium.

O incompræhensa bonitas  
si felix est quem satias, intro-  
duc me in cellar ia tua, propi-  
na mihi vinum defæcatum  
amoris tui, inebria me, vt ni-  
hil sentiam nihil desiderem  
nihil curem nisi te, nihilq; pa-  
ueam nisi elongari à te; fac vt  
amore tui mundo mortuus in  
te viuam, qui misisti Filium  
tuum vt pro me mortuus ex-  
traheret ex inferis animam  
meam. Sustenta vitam meam  
per miserationes tuas: vt amā-  
do te viuam, & in te viuendo  
non lædar à secunda morte,  
sed totus te redamem, qui to-  
tus amasti me. Ne permittas  
Domine ad tot voces quibus  
me

*B. Andrea Auellini. 21*

me reuocas obdurari, ad tot  
amoris tui igniculos obrige-  
re: disrumpe cœlos, veni, im-  
pera, fac tranquillitatem in  
corde meo q̄ est quasi mare  
feruens; fac vt aquæ igne ar-  
deant; & quod si aliunde non  
possum, amore compensem  
amorem tuum.

Scio Domine quod holo-  
caustis non delectaris; nisi  
oblatis ex corde toto, & su-  
pra ignem nunquam deficiē-  
tem charitatis; Vocibus illis  
tinniunt aures meæ Si obtule-  
ritis holocaustomata, & mune-  
ra vestra non suscipiam, & vota  
pinguium vestrorum non respi-  
ciam. Aufer à me tumultum car-  
minum tuorum, & carmina lyre  
tuæ non audiam. Ne quæso pa-  
tiaris me accedere ad te ignē  
consumentem, & nō comburi  
à flamma charitatis tuæ, qui  
facis ministros tuos ignem

*Amos.  
S. 23.*

vren-



vrentem; fac vt vota mea non sint inflata spiritu superbiæ & vacua virtute, sed in spiritu humilitatis fuscipiantur repleta tuo spiritu, qui humilia respicit in cœlo, & in terra. Concede vt non sim velut æsonans, aut cymbalum tinniens, sed ex præcordijs meis totus ad te directus offeram tibi sacrificium laudis, amorem meum, quo honorem te. Ne permittas Domine me qui in sortem Sanctorum vocatus sum, interq; tuos ministros adnumeratus, quod seminem multum, & parum inferam, neq; quod mercedem mittam in sacculum pertusum. Fac Domine vt te diligam vt sic dirigantur in te omnia opera mea, qui solus es merces vera, & æterna. Sed quid sum ego, vt diligam te bonum æternum immensum infinitum,  
pu-



*B. Andrea Auellini. 23*

putredo, vermis, nihil? Quid retribuam tibi pro omnibus quæ mihi retribuisti? Quod habeo Domine hoc tibi do. Do tibi cor meum, quia tunc illud inuenero & erit [meum] cum illud tibi dederò. Do voluntatē meam quæ tunc mea erit cum tibi confitebitur. Do meipsum quem existimauiero felicem cum totus ad te reuersus fuerit qui exulabat à te totus. Suscipe me Domine secundum eloquium tuū quo dixisti. *Venite ad me omnes qui laboratis, & onerati estis, & ego reficiam vos.* Sic non confundar ab expectatione mea sed viuam in te sperando, qui adiutor es in æternum, & in sæculum sæculi. Amen.

*Matt.  
11. 8.*

## SOLILOQVIVM V.

*Quod homo debeat Deū diligere,  
vt eum intelligat.*

**O** Domine Deus illuminatio mea sine qua in tenebris viuo dēfissimis, & vmbra mortis. Domine qui doces me à iuuentute mea in cuius lumine tantum vldere possum lumen veritatis. Infunde cordi meo tui amoris affectum, quo mundanis illi. cijs non offuscatus considerē mirabilia de lege tua. Scio Domine quod abscondis incerta, & occulta sapiētiae tuæ à sapientibus & prudentibus & reuelas eas paruulis qui rationabiles & sine dolo amore tui perciti te tantum concupiscunt, te tantum quærunť & portari anhelant ad vbera  
con-

consolationis tuæ. En Domine ante te omne desiderium meum, inflamma affectum meum, vt illumines intellectum, quia viæ tuæ non sunt, sicut viæ hominum: hic enim non amamus, nisi quæ intelligimus; & quia in mundo non est nisi bonitas personata, intelligimus malum bonum, & bonum malum; ideoq; qui faciendo bonum progredi debueramus de virtute in virtutem, facimus malum declinando à bono. At is habet intellectum in tua lege magis illuminatum, qui cor habet magis adherens tuis testimonijs; prius enim scribis legem in tabulis cordis, vt habeamus voluntatem in lege tua; quam inuenire facias disciplinam bonam coram Deo, & hominibus; nec vnquam lucernam lucentem exhibes

**B** quin

quin prius facias ardentem.

Ideoq; Domine quando de cœlo se se præcipitavit amor tuus apparuerunt dispersitæ linguæ tamquã ignis qui sedit supra singulos eorũ, quia tunc forent proflui verbis tum charitate ferbuissent. Ignis enim comburit syluam, & flamma comburit montes, sic amor tuus comburit mōtes superbiæ, syluamq; omnē radicitus consumit rerum mundanarũ, quo semen verbi tui non feratur super spinas suffocantes, sed super nouale bene proscissum aratro compunctionis. Illuminat ignis, q̃ prius inflammauerit, & quo ignis excrescit, eo magis flamma resplendet; sic Domine nō das intellectum ad scrutandā legem tuam nisi prius des cor ad eam amādam, & quo magis das amorem in corde, eo

ma-

magis das intelligentiam in intellectu. Ideoq; Apostolis licet in schola tua eruditis dixisti. *Habeo multa vobis dicere,* *Ioa. 16. 12.*  
*sed non potestis portare modo,*  
quæ utiq; poteritis cum Paraclytus de cœlo descendens reddensq; corda vestra flammantia suggeret vobis omnia quæcumq; dixero vobis. Hinc Domine multi qui alta de te intelligunt, disputant, speculantur, nil tamen intelligunt quæ faciant pro lege tua, & pro salute sua; ideoquæ obscuratur insipiens cor eorū excœcante eos malitia eorū ne videant Sacramenta Dei; & ne sperent iustitiæ mercedem. Hinc è contra plerosquæ fecisti in lege tua eruditissimos, qui habeant cor ad eam addictissimum. Quis enim altius de te intellexit, quàm Catharina, cui desideranti ad

te tamquam ad fontem aquæ perennis manifestata sunt incerta, & occulta tuæ sapiētiae? Quis profundius inuestigatus est doctrinam Euangelicam, quā Franciscus, qui dum tibi intra simillimus fuit per amorem extra quoq; factus est simillimus per imitationem.

Iam Domine capio quod ideo vis à me amari, vt amādo te considerarem mirabilia de lege tua, vtq; hæc intelligentia mihi sit sapida, & lex tua semper sit in mente, & ore meo, si semper sit in corde. En Salus, & illuminatio mea cor meum ante te, quære illud quia abiit post amatores multos. Vni illud Ignis diuine quia diuisum, & dissipatum est in tot creata. Reple illud Spiritus viuificans, quia ambulando post vanitatem vanum factum est. Stabi-

li illud Firmamētum æternū,  
quia positum in decliui iam  
defluxit in ima vitiorū. Tran-  
quilla illud Pax vera, quia si-  
cut inundans fluuius semper  
frangit repagula legis tuæ.  
Inflamma, & dissolue illud  
Ignis consumens, quia à facie  
Aquilonis totum obriguit. Il-  
lumina illud Lumen eternum,  
quia in insipientia sua est ob-  
scuratum. Domine si vis po-  
tes illud mundare, & inflam-  
mare, vt nihil aliud velit quā  
legem tuam, quam ponat in  
medio sui, adeo vt nihil ex eo  
prodeat, nisi quæ faciant ad  
gloriam, & honorem nomi-  
nis tui; quem inuocare, quem  
laudare, in quo sperare est ve-  
ra iucūditas, & iubilatio cor-  
dis nostri.

## SOLILOQVIVM VI.

*Quod debet homo amare Deum  
ut exurgat à peccatis.*

**O** Domine vis vnitiua animæ mea, & virtus maritans mentem meam. O bonitas profusa, quæ nil quæris quam communicari. Vide Domine, & considera, quod seruus fugiens à te nil inueni præter diram tyrannidem, quæ Filius à te aberrans consumpsi hæreditatem meam, & factus sum mihi regio egestatis. Quod Onager effluetus in solitudine attraxi vêtum amoris mei. Erravi Deus meus sicut ouis quæ perijt; factus sum veluti drachma perdita, iam in morte maneo, quia ecce qui elongant se à te peribunt, & perdidisti omnes qui fornicant.



**B. Andrea Auellini. 31**

cantur abs te. Accende lucernam miserator Domine, & quære me. Voca me, & respō. debo tibi, nec amplius aures porrigam alienigenis. Emitte manum tuam de alto, & eripe me de luto aquarum multarum. Dic animæ meæ salus tua ego sum, vt exurgam à mortuis, exciterq; voce tua, qui excantatus fui à voce venefici incantantis, Reduc me ad te, qui à te deuius adhæsi non vni, sed tribus ciuibus regionis infernalis, Mihi scilicet, Mundo, Diabolo; & pauperes, carnales videlicet affectus meos. Viuifica me Domine secundum eloquium tuum quo dixisti *Nunquid voluntatis meæ est mors impij, & non vt conuertatur à vjs suis, & uiuat.*

*Ezech.  
21. 23.*

Vides me Domine conculcatum in sanguine meo, sed

**B 4**

**qui**

qui adhuc cognosco quam  
malum, & amarum mihi fue-  
rit derelinquere te Deū Crea-  
torem, Redemptorem, Ama-  
torem meum. Vellem Domi-  
ne adhærere tibi, sed nequeo  
quia cum tu sis æternitas, &  
bonitas infinita, ego sum pu-  
tredo, & malitia inexplibilis.  
Ideo obsecro te ignis diuine,  
vt comburas in me quod meū  
est, & conuertas me totum ad  
te, vt mutatus in te possim  
per charitatem vniri tibi, qui  
ideo voluisti fieri particeps  
naturæ nostræ, vt nos cōsor-  
tes faceres diuinitatis tuæ. Si  
tantum audeo tu mihi præ-  
buiisti fiduciam, qui dixisti de-  
licias tuas esse nō cū Angelis,  
sed cū filiis hominum: qui re-  
liquisti nonaginta nouē oues  
in deserto, vt venires ad ouē,  
quæ perierat, vt eam perdi-  
tam quæreret, inuētam reuo-  
cares

cares, lassam reficeres, refectā  
reduceres super semitas iusti-  
tiæ. Iam Domine lassatus in-  
via iniquitatis in regione um-  
bræ mortis, nil inueni præter  
laqueos, & ruinas. Impulsus  
euerfus sum, & incidi misere  
in laqueos prauæ consuetu-  
dinis. Illumina vultum tuum  
super me, misero miserere  
seruo tuo; fac vt te diligam ex  
toto corde, ex tota mente, &  
ex omnibus viribus animæ  
meæ; sic enim agglutinata ti-  
bi anima mea, è cœno vitio-  
rum emersa, collocabitur in  
regno dilectionis tuæ.

Iam cōsidero qualis factus  
sim tibi qui me ad imaginem  
tuam formasti, qui mihi vitā  
& misericordiam tribuisti, vt  
in te tantum viuerem, qui ad  
te tātum factus sum. Sed heu  
qualis euasi, qui abiens post  
fœditates factus sum sicut ea

34 *Soliloquia*

quæ dilexi, vanus, inquinatus, putridus, pestilens. Considera Domine quod factus sim vilis, exalta me de lacu miseriæ, & de luto fecis; fac ut diligam te; ut qui fecisti me ad imaginē, & similitudinē tuā, amando te fiam tibi similis per charitatem, qui per vanitatem factus sum sicut ea, quæ perditæ dilexi. Fecisti me Domine ad te, abscondisti mihi magnam multitudinem dulcedinis tuæ, de sinu Patris tui in terram descendisti, ut me ad cœlestia reuocares; & adhuc adhærebit terræ anima mea? O sol iustitiæ faciem tuam illumina super seruum tuum, eleua me, doce me iustificationes tuas, ut in ipsis viuens iam non sim amplius vile mancipium mearum iniquitatum. Ne permittas me Dñe à te separari, quia tunc adhæ-

adhærebit anima mea post te  
cū me suscipiet dextera tua;  
fac vt mente in celestibus ha-  
bitem, & nō amplius demer-  
gar in limo profundi, vbi non  
est substantia. O altitudo in-  
compræhensibilis quis ad te  
non leuabit cor suum, in quē  
desiderant Angeli prospice-  
re? quis non adhærebit tibi,  
qui solus es Deus saluos fa-  
ciendi? quis non timebit te,  
qui es vlciscens in omnes ad-  
inventiones peccatorū? quis  
nō amabit te Bonitatem im-  
mensam, sine qua nihil bonū  
est; Pulchritudinem antiquā,  
in cuius conspectu nec aliqua  
creatura, nec cœli ipsi sunt  
mundi; Liberalitatem profu-  
sam, quæ te de sinu Patris in  
terram demisisti, vt te dares  
nobis tui indigentibus, qui  
minimè bonorum nostrorum  
indigebas?

O filii hominum vsquequo graui cōrde , quamdiū habebitis cor lapideum, durum, ad terram declinem , quamdiū quæretis mendacia, & diligetis vanitatem ? Sursū, sursū eleuemus corda nostra, & qui facti sumus ad illum nō quiescamus in terra. Multiplicata est super nos misericordia eius, quia multæ erant nostræ miseræ . Docuit nos multas vias vitæ, vt multis itineribus peruenire possemus ad salutem . Nihil intentatum reliquit, vt nos alliceret ad amorem suum, quem desiderat, & exquirat à nobis. Ne igitur cecutiētes simus ad solē iustitiæ diffundētem tot radios bonitatis suę; neq; ad vocem tanti clamoris obduremus corda nostra , sed effundamus corā eo , quia ipse Amator, Redēptor , & Adiutor noster est.

Dili-

*B. Andrea Auellini. 37*

Diligamus eum solum, quia ipse solus est fortitudo nostra & firmamētum nostrum. Diligamus eum ex toto corde, quia totum se nobis contulit ad salutem. Diligamus eum ex tota mente, quia in ipso solo quieti esse poterimus. Diligamus eum ex omnibus viribus nostris, quia ipse omnipotentiam suam manifestauit in eruendo ex inferis animas nostras.

## SOLILOQVIVM VII.

*Quod debeat homo amare Filium Dei, eo quod factus sit homo.*

**V**Ideo Domine quā profundæ sint cogitationes tuæ. Considero opera tua, & expauesco. Confiteor te Domine Regem sæculorum immor-

mortalem, inuisibilem, incō-  
prehensibilem, sed pro m-  
exinanitum, factum oppro-  
brium hominum, obedientē  
ab ipsa natiuitate vsquē ad  
mortem. Visibilem, vt videre-  
mus te vitam nobis manife-  
statam, & manus nostræ con-  
trectarent te verbum vitæ.  
Carnem factum, vt habitares  
in nobis, daresq; nobis pote-  
statem fratres tuos fieri, co-  
hæredes Regni Patris tui, fi-  
lios Dei . O viscerosissima  
charitas quantum te profun-  
dis . O potentissimus amor  
quantum præuales , ita vt  
triumphes de Christo, vincas  
vincentem omnia, eumq; qui  
omnes superminet supermi-  
neas.

Domine quid est homo q̃  
memor sis eius , aut filius ho-  
minis, quod reputes eū adeo  
vt apponas erga eum cor  
tuum



tuum, vnigenitum scilicet filium, qui excepto peccato in omnibus homini assimiletur. O homo, quanta facta est dignitas tua, qui non amplius terrenus, sed cœlestis, imo diuinus factus es. O quanta erit ingratitude tua qui paruulū filium datum tibi non agnoscis, non amas, non vereris. Considera quantus sit ille, qui humiliavit semetipsum, ne tu puluis, & cinis per superbiam elatus fieres tanquam puluis quem proijcit ventus à facie terræ. Vide qualis sit qui factus est obediēs vsq; ad mortem, vt tu nunquam desineres obedire voci Dei assidue te clamantis. Contemplare quā diues sit qui egenus factus est vt ipsius inopia tu ditesceres. Cogita quod Dominus magnus, & mirabilis, seruus factus est, vt te donaret libertate

te

# 40 Soliloquia

te filiorum Dei; & quod qui erat inter mortuos liber dedit ad mortē pretiosam animam suā, vt liberāret a morte inferni animam tuam. Iam

**Gen. 3.** dicere non poteris *Vocem tuā*  
**10.** *audiui, & abscondi me*, quia nō

audis vocem terroris quam proferat Deus ultionis, sed vagitum vocemque dilectionis quam profert Deus, qui venit tibi mansuetus. Ne di-

**Exod.** cas *Nō loquatur nobis Dominus*

**20. 19.** *ne forte moriamur*, quia Christus loquutus est nobis verba vitæ, vt in ipsis viuamus, cre-  
 scamus, nec vnquam supplan-  
 tentur gressus nōstri enutriti  
 verbo quod procedit de ore

**Pf. 112** Dei. Nec subdas *Quis sicut Do-*  
**5.** *minus Deus noster*, qui in altis

*habitat*, quia iam vides illum  
 carnem factum in nobis ha-  
 bitare. O ingratissimus homo  
 si nō redamaueris eū, qui tali-

ter

*B. Andrea Auellini. 41*

ter amauit te, si totum non te dederis ei, qui totum se dedit tibi, si nil cures, nil desideres præter eum, qui tam diligenter quæsiuit te.

Sed ò Domine Creator meus quid retribuam tibi pro omnibus, quæ tribuisti mihi. Inutilis sum, & imbecillis ita vt nequeam respōdere vnum pro mille; Ideo amabo te ex toto corde, quia tu cor requiris dum vides me nihil habere, quo tua beneficia valeam compensare. Multa etenim, & magna profusissime largitus es: Nam ad imaginem, & similitudinem tuā me formasti; Omnia sub pedibus meis subiecisti; Toties sub vmbra alarum tuarum me protexisti; in omnibus vijs meis me custodisti; de cœlis in terram descendisti; frater meus fieri voluisti; te ipsum in cibum,

po-

potum, lauacrum mihi tribuisti. Quid ergo ad hæc potero dignum dare? Scio Domine, quod totum me tibi debeo, qui fecisti me; multum quia multis beneficijs cumulasti me; plusquam multum & totum, quia redemisti me. Sed nihil sum, & ideo timeo appropinquare vacuus ante cōspectum tuum; Peccator sum & ideo pauesco à facie furoris tui: Miser sum, & ideo non audeo loqui ad immensam maiestatem tuam. At tu misericors, & miserator respice in me, & miserere mei. Crea ex nihilo in me cor meum, quod totū sit ad te, & inquietum sit semper si non perueniat ad te. Parce mihi, vt in tuis sermonibus iustificeris, in quibus dixisti te nolle mortē peccatoris. Miserere mihi valde miserrimo, qui multus es  
in

in misericordia. Pastor bone  
quære ouem errantem, quæ  
abiens per inaccessibleia vitiorum  
multum laborauit, quã toties  
super humeros tuę protectionis  
ad tuam caulam reduxisti.  
Mandata tua nõ sum oblitus,  
& ideo ad oues tuę pascuę  
pertineo. Age Domine atten-  
de, & fac; ne moreris propter  
temetipsum, quia nomen tuũ  
inuocatum est super me; exci-  
ta, & reuoca, accende, & rape,  
flagra, dulcesce. Pauper sum,  
ego, ditare me, quia diues es  
in misericordia. Insipiẽs sum,  
doce me, quia in te sunt om-  
nes thesauri sapientiæ; Æger  
sum, sana me, quia medicus es  
sanans omnes infirmitates, &  
redimens de interitu vitam  
nostram. Famelicus sum, satia  
me dulcedine tua, quia pin-  
guis est panis tuus omnesquẽ  
delicias præbens. Sitiens sum,  
pota

pota me fons aquæ salientis  
in vitam æternam . Frigidus  
sum , & obrigui à facie A-  
quilonis , vre omnes iniquitates  
meas calcule ignite , purga  
me, dissolue omnem duritiem  
cordis mei , nec deficias do-  
nec in te confluam purgatus,  
& liquidus igne amoris tui.  
Ne permittas Domine me  
vnuquam à te separari, cui vo-  
luisti temetipsum immiscere;  
fac vt sēper viuā tibi, tamquā  
corpus capiti coaptatum, qui  
corpus tuum in me contem-  
perasti, vt vnum quid efficia-  
mur. Fac vt semper tecum vi-  
uam qui mihi te dedisti panē  
vitæ; semper te amem, qui om-  
nes amoris tui diuitias in me  
tam copiose profudisti, sem-  
per in te sperem qui in Sacra-  
mēto tui corporis dedisti mi-  
hi pignus æternæ gloriæ . Fac  
vt totus intrem in te habit-  
tio

*B. Andrea Auellini. 45*  
tio mea secura , totus in te  
quiescam dulcedo mea san-  
cta, totus in te viuā vita mea  
imperturbabilis.

## SOLILOQVIVM VIII.

*Quod homo debeat Deum dili-  
gere, quia multa pro ipso  
passus est.*

**Q**Via semel cœpi non de-  
finam loqui ad infi-  
nitam maiestatem  
tua altissime Domine, & licet  
pulvis, plasma tuum sum,  
ideoq; spero te non despectu-  
rum opus manuum tuarum,  
licet paruulus, tu mihi præbes  
confidentiam ad te acceden-  
di, qui dicis *Sinite paruulos, &*  
*nolite eos prohibere ad me veni-*  
*re: licet pauper accedo ad te,*  
*fiducialiter, quia pauper, &*  
*inops laudabunt nomen tuū,*  
&

*Matth.*  
*19. 14.*

& cum pauper clamat libenter exaudis eum . Ardenter amasti me , qui semper cogitasti cogitationes pacis quomodo scilicet me Deo Patri per sanguinem tuum conciliares; nunquam afflictionis, quo pacto scilicet digne vindictam sumeres de peccatis meis . Quæsiuisti me qui erraueram tanquam ovis quæ perijt; vocasti me , qui semper audiui vocem alienorum; Deduxisti me in semitā rectā , qui semper declinaueram à mādatis tuis ; Saturari voluisti fame, siti, frigore, nuditate, opprobrijs, flagellis, tormentis, vt in ipsis legerem expressè amorem tuum .

Quid dicam , aut quid respondebo tibi, qui nedum tantum pro me fecisti , sed tantū pro me passus es ? Iam amor tuus vexillum erigit, quia in  
passio-



*B. Andrea Auellini. 47*

passione tua de te triumphauit. En Domine in qua nocte tradebaris teipsum nobis tradidisti, quia flumina totius iniquitatis nostrę minime obruere potuerunt charitatem tuam. Anhelabas ire quanto-  
cius ad passionem, vt celeriter de laqueo peccatorũ extricares pedes meos, qui veloces erant ad effundendũ sanguinem. In hortum introisti oraturus ad Patrem, vt ibi quæreres hominem vbi Adã Deum perdiderat, eum-  
que mansuetudine reuocares vbi Adam absconderat se, & fugerat à facie tua. Factus in agonia orabas prolixius, ita vt fieret sudor tuus sicut guttæ sanguinis decurrentis in terram, vt requiem nobis dares lassatis in via iniquitatis, nosq; liberares de sanguinibus, quibus manus nostræ  
plenæ

plenæ erāt. Festinabas ire obuiam Iudæ scelestissimo proditori, quia perurgebat te charitas tua, nec sinebat quiescere, donec operareris salutem in medio terræ. Permissisti, ut traditus voluntati peccatorum opprobria omnia, exprobrantium venirent super te, ut requiesceret super nos, quod est honoris, gloriæ, & virtutis tuæ. Passus es denudari, ut ignominiam nostrā operires; flagellari, ut flagellis tuis corripere; percuti crudeli plaga, quia super dorsum nostrum apposueramus iniquitatem; spinis coronari, ut nos coronares gloria, & honore; deludi ut ab æterno opprobrio nos liberares: crucifigi, ut in Cruce affigeres quod contra nos erat chirographū decreti.

Ehu Domine quomodo  
ama-

amasti me, quem reuocasti à  
morte æterna nedum lachry-  
mis, sed labore multo, & pre-  
tioso sanguine quem copiose  
profudisti; nec voluisti in te  
partem corporis remanere  
non vulneratam, vt in tot pla-  
gis videremus amorem tuū.  
Requiris cor meum dicens  
Fili da mihi cor tuum, fac vt  
illud inueniam, quia tibi dare  
non potero, quod non possi-  
deo. Sitis amorem meum,  
quia in Cruce positus, ibique  
innumeris doloribus exagi-  
tatus, non dixisti *Doleo*, sed *Si-  
tio*, fac vt amando refocillem  
te, qui es dulcedo mea. Dile-  
cte mi candide, & rubicunde  
ex millibus electe Tu candor  
lucis æternæ, speculum sine  
macula, & imago æternæ bo-  
nitatis Patris. Tu qui nihil ra-  
puisti, soluis pretio tui sangui-  
nis, quæ debueramus pro pec-  
C catis

catis nostris. Agne immaculatè, qui peccatum non fecisti, nec inuentus est dolus in ore tuo, & tamè pro peccatis nostris doluisti. Scio Domine viscera pietatis tuæ, agnosco ardentissimam charitatem tuam. Video copiosam redemptionem tuam, qui cum potuisses vel vnica gutta tui pretiosi sanguinis submergere omnia, & quæcumq; scelera totius mundi, aperuisti in cælo tui corporis tot cataractas, vt confirmares, & corroborares super nos misericordiam, & amorem tuum.

Omnes angores tui, omnia vulnera, cunctę guttę sanguinis tui mihi dicunt, vt te amem, & ego surdus sum adhuc ad vocem tãti clamoris? Dirumpe cor meum omnipotentissime Domine, conterre illud pretiosissime sanguis;  
&

*B. Andreae Auellini. 517*

& si ego, vt adamantem, & si-  
licem illud posui, tu ictu cha-  
ritatis tuæ poteris ex eo scin-  
tillas elicere amoris, & san-  
guine tuo sacratissimo illud  
adeo emollire, vt totū effun-  
datur coram te. Ad emissio-  
nem spiritus tui dirumpun-  
tur petrae, & adhuc cor meum  
lapideum resistit ictibus tui  
amoris? terra mouetur, & ad-  
huc voluntas mea nō abstra-  
hitur à terra, cum videat te  
stillare tot imbres gratiarū?  
Velum templi scinditur à sū-  
mo vsq; deorsum, & adhuc in-  
tellectus meus obuelatur?  
Aperiuntur monumenta, &  
cor meum, adhuc in morte  
manet non te diligendo? Do-  
mine vellem te diligere, & ne-  
queo absq; te. Tu amorem iu-  
bes da quod iubes, & iube q̃  
vis; quia cor meum semper  
frigidum erit, nisi accendatur

C 2

à te

à te, qui es amor semper ardens, & charitas nescia extinctionis.

# SOLILOQVIVM IX.

*Quod debeat homo amare Filiū  
Dei, eo quod Cruci affixus,  
& mortuus lancea  
vulneratus fue-  
rit.*

**A** Mantissime Dñe quo te perduxit amor vt cruci affigereris, qui nunquam fuisti maledictus; vt felle, & aceto potareris, cum in tuo ore nunquam mendacium sit inuentum; vt tātum effunderes sanguinis, qui sanctus eras, innocens, impollutus, segregatus à peccatoribus; vt emitteres tu spiritum, qui das omnibus vitam, & inspirationem. Sed fuerint hæc tui amoris  
osten-

ostentamenta, quod à plantâ  
pedis vsq; ad verticem capi-  
tis non fuerit in te sanitas, q  
crucifixus, quod mortuus pro  
me fueris: ad quid voluisti lā-  
cea latus tuum transfuerbera-  
ri? Laborasti viuis sustinens  
pro nobis, qui laborare te fe-  
cimus in peccatis nostris, &  
in iniquitatibus præbuimus  
tibi laborem fabricando su-  
pra dorsum tuum: Cur saltem  
lasso, excruciato, aff. icto, cru-  
cifixo, mortuo non datur re-  
quies? Sed ò dilectissime Re-  
demptor meus hoc amoris  
est nūquam satiari; nam ideo  
voluisti cor tuum lancea ape-  
riri, vt in ipso legeremus quō-  
modo amasti nos, quos nedū  
in manibus, sed & in corde  
scripsisti.

O cor nostrum plusquam  
lapideum, quod non conteri-  
tur ad ictus amoris tam ve-

hementis, plusquam æneum  
quod ad flammiam sic vrentē  
non liquefcit. Quid enim ul-  
tra potuisti facere, & non fe-  
cisti Creator meus? quæ tor-  
menta, opprobria, dolores su-  
stinere poteras, & non susti-  
nuisti Redemptor meus? cur  
ergo mucro dirus lanceæ vul-  
neravit cor tuum amator  
meus? quasi inimico parum  
fuerit, in te viuum insurge-  
re, si in mortuum non sa-  
uisset? Iam Domine dicere  
potes vulnerasti cor meum,  
sed non soror mea, quia si in-  
sordibus, non sum Filius Dei;  
non sponsa, quia abiens post  
amatores multos abs te for-  
nicatus sū. Iam in corde tuo  
video amorem tuum arden-  
tem, vehementem, ex ipsis vi-  
sceribus prodeuntem; agno-  
sco dignitatem animæ meæ,  
quam tanto pretio redemisti;  
con-



*B. Andrea Auellini, 55*

considero grauitatē peccati mei, & te ad tot amarissimas passionēs prouocauit. Sed cognosco me redemptū pretio magno, ideoq; dignū æterna pœna si te Deum meum toto corde non glorificauero in meo corpore. En offero tibi Domine totū meipsum: vre, seca, immitte afflictiones, dolores, tormenta; sed da cum tentatione prouentum, quia sine te non potero sustinere. Cognosco Domine in te passio fœditatem peccati mei, iā illud abominor, & dico; Veh animę meę tam profundē demersæ, & tam sordido cœno fordidata. Clama Domine, voce forti, penetra medullitus in interiorem aurem cordis mei, dirumpe surditatem meam, dic animæ meæ, salus tua ego sum.

Iam Domine sonat vox

C 4

tua

tua in auribus meis, iam poenitet me peccasse, iam surgo de puluere, & abrenuntio pascere porcos, iam redeo ad patrem meum, & cōfugio ad te, qui es refugium meum, & tota ratio spei meæ. Video te in Cruce, capite inclinatū, vt procideres super collum meū, quo toties extencto ambulavi contra te, vtq; oscula mihi infingeres, qui toties mercator pessimus osculo te tradidi. Extendentem brachia, vt me per devia vitiorum aberrantem, antea, sed postea ad te confugientem exciperes, & protegeres sub vmbra alarum tuarum. Aperientem manus, vt me adimpleres omni benedictione. Confixum clauibus, vt longanimiter me toties reluctantem expectares. Pendentem de cruce, vt scirem vnde excerpere possem fructum vitæ

vitæ æternæ. Spinis redim-  
tum, vt me gloria, & hono-  
re coronares. Felle, & aceto  
potatum, vt me tua dulcedi-  
ne inebriares. Corpore toto  
distentum, vt totum te mihi  
dares in morte, qui totum te  
mihi in vita dedidisti.

O bonitas incompræhensa  
cur ergo ex omni me non re-  
damabo te, qui totum quod  
assumpsisti de me, mihi ad sa-  
lutem contulisti? cur in te nō  
reponam omnimode spem  
meam, qui tam copiose, do-  
lenter, amanter me redemisti.  
Tu enim Domine maior es  
illo homine negotiatore, qui  
inuenta pretiosa margarita,  
vendidit omnia sua, & com-  
parauit eam: nam quæres me  
sedisti lassus; me de profundo  
extraxisti, & deterfo luto gē-  
mam fecisti; & vt compara-  
res conscidisti saccum tuum

scilicet corpus tuum immaculatum, vt effunderes sanguinem pretiosum in redemptionem animæ meæ. Iam Domine considero vestem tuam vndiq; conscissam, vt vndiq; paterent misericordiæ tuæ: video corpus tuum vndique emittens sanguinis scatebras, vt vndiq; haurirem aquas salutes de fontibus Saluatoris mei, & vt abundanter haberem eas ad ablutionem, ad sanationem, ad irrigationem, quia multæ erant infirmitates, & indigentia meæ. Ne permittas quod iucundentur amplius inimici mei super me, quem pretioso sanguine redemisti; fiat manus tua vt saluet me, vt canté tibi gloria mea, & non confundar. Fac vt proijciam in te omnem cogitatum meum, quia à nullo alio potest esse mihi

*B. Andrea Auellini. 59*

mihi bonum, nisi à te, qui solus es bonus, omnipotens, immensus: fac vt nunquam elonger à te, quia ecce qui elongant se à te peribunt, perdisq; omnes, qui fornicantur abs te. Concede, vt semper amem te, quia omnis copia, quæ tu nō es, egestas nimia mihi est; omnis pax, quæ tecum non est, amaritudo amarissima; & infernus domus mea est, & erit, absq; te, qui solus es salus mea, exultatio mea, & portio mea in terra viuentium.

## SOLILOQVIVM X.

*Quod debeat homo amare Deum  
quia in eo solo inuenit bonum  
quo frui possit.*

**Q**uid facis anima mea? quid adhuc iaces in tene-

nebris, & vmbra mortis, & nō leuas oculos tuos ad solem iustitiæ, in cuius pennis est illuminatio, & salus? quid adhuc iaces in profundo cum videas Dominum emittentē manum suam de alto, vt liberet te de aquis multis? Iam firme credis nil boni esse tibi posse nisi à Deo, qui solus est bonus; & qui si tibi non illuxerit, per tenebras, & lubricum ambulabis. Iam experta es terram, quam tam ardenter dilexisti, & cui adherere tam firme statuisti nihil germinasse tibi præter spinas, & tribulos. Iam profecta à Deo dissipasti fortitudinem tuā in meretriceas cupiditates, totamq; te coinquinasti sordibus concupiscentiæ. Iam gustasti omnes mundanas cupiditates multo felle asperfas, & non esse nisi semina

pter-

æterni cruciatus . Iam probe  
vides magnam esse multitu-  
dinē dulcedinis Domini quā  
abscondit timentibus se , &  
sperantibus in misericordia  
sua . Iā experiris q̄ diligētibus  
Deum omnia cooperentur in  
bonum , & quod nihil sit ho-  
noris , gloriæ , dulcedinis quod  
non requiescat super eos , qui  
toto corde quærunt , & dili-  
gunt nomen suum . Cur igitur  
resistis tot iaculis , quibus dul-  
cissimus Dominus suauissimo  
amoris vulnere transfigit me-  
dullas tuas ? Cur non lique-  
scis præ nimio amore ? cur nō  
ardēs præ desiderio , si ignem  
venit Dominus mittere in  
terram , & non vult nisi vt ar-  
deat ? Cur amore non langues-  
cis Dominus propter nimiam  
charitatem qua te dilexit de-  
dit corpus suum percutienti-  
bus , genas vellentibus , faciem  
suam

non auertit ab increpātibus,  
 & cōspuentibus in eū, deditq;  
 in mortem pretiosam animā  
 suam? Hoc ideo est, quia po-  
 fuisti inter te, & Dñum murū,  
 iniquitatē, cuius est ita à no-  
 bis diuidere Deū nostrum, vt  
 elongetur à nobis quantum  
 distat ortus ab Occidente.

Sed veni Domine faciem  
 tuam illumina super seruum  
 tuum, fac vt videam scelera  
 mea, conuerte me ad te, noli  
 arbitrare me inimicum tuū.  
 Aufer iniquitatem, & pone in  
 me æquitatem. Aufer à me  
 cor lapideum resistantē man-  
 datis tuis, & crea in me cor  
 carneum ab omni sorde mun-  
 datum, quod lique scat ad flā-  
 mam charitatis tuæ. Surge  
 Aquilo, veni Auster diuine  
 perfla in me, & fac vt cor meū  
 diffluat sicut torrens concre-  
 tum in Austro. Conuerte ca-  
 ptiui-



ptinitatē meā, sicut cōuertisti  
captiuitatem! Magdalene, quę  
vt cognouit te recumbentem,  
quia inclinis es ad miseren-  
dum; & in domo Simonis le-  
prosi, quia nō nauseas pecca-  
ta nostra; amore tui percita,  
ad te solum Deum fontem vi-  
uum tamquam cerua sitiens  
desiderauit. Sed ò Domine sū  
tamquam terra arida expers  
irrigationis, quę peruenire  
potest ex fluuio pacis, quem  
super nos facis declinare, q̃a  
oppono claustra peccati, &  
repagula obstinationis. Ideo  
non inebrior ab vbertate do-  
mus tuę; quia stomachum ha-  
beo siliquis porcorum exsa-  
turatum. Accēde in me amo-  
rem tuum Domine, perrum-  
pe repagula iniquitatis meę,  
dulcesce mihi dulcedo sãcta,  
& suauitas vera; fac vt nihil  
cupiam, nisi te, qui solus po-  
tes

tes dulcedine replere viscera  
animæ meæ, & solus es dele-  
ctatio mea, iucunditas mea,  
gaudium meum, quies, &  
tranquillitas mea. Quid enim  
Domine est in vniuersa cœlo-  
rum amplitudine, quod me  
vel reficere possit, vel oblecta-  
re, nisi tu, qui cœlos reple  
gloria tua? Quid enim est in  
terra, ubi nihil est, nisi uani-  
tas, & afflictio spiritus, quod  
me satiare possit, præter te,  
qui cum sis bonitas incom-  
præhensa, solus replere potes  
bonis esurientes? Obsecro  
Domine, vt deficiat caro mea  
ita vt nō amplius sim anima-  
lis homo, sed spiritualis; defi-  
ciat cor meum, ita vt totum  
alteratum, & quasi diuinum  
effectum nihil videat in cœlo,  
& in terra, præter te, qui es  
Deus cordis mei, portio mea,  
& hæreditas æterna. Ecce  
enim

*B. Andrea Auellini. 65*

enim, qui elongant se à te per transgressionē legis peribunt, quia a te auulsi tanquam palmites infructuosi digni sunt, qui mittantur in ignem ad ardendum in aeternum. Mihi autem adherere tibi fide, spe, & charitate nedum bonum, sed optimum est, spemq; meā à rebus mundanis omnibus auulsam in te tantummodo collocare.

Iam Domine renuit consolari anima mea, quia nihil est in vita hac voluptuosum, quod non occupatum à tristitia, nihil dulce, quod non respersum felle amaritudinis, nil sublime, quod immune sit à casu. Recordor miserationū tuarum, quæ à sæculo sunt; & delectatus sum; imo, & delectabor magis, cum tibi magis adhærebo per charitatem, si sola memoria, & desiderium

tan-

tantam affert voluptatem. Expergiscere anima mea, surge de pulvere, abrenuncia omnibus, quæ in mundo sunt, in quibus nec satietatem inuenire poteris, nec quietem. Contemne temporalia, & inquire æterna, noli amare vanitatem, ne fias vanus, sicut ea, quæ dilexeris. Ama Deum, qui solus potest in bonis replere desiderium tuum. Recogita te esse liberatam à Domino liberatore tuo, & positam in libertatem filiorum Dei; ne igitur iterum fias vile mancipium creaturarum. Abijce à te amorem sæculi, abrenuncia Satanae, & omnibus operibus suis, fuge mundum, qui totus est positus in maligno, obtura aures ne voces audias incantantium, qui narrant tibi fabulationes, sed nõ vt lex Dei. Ama Deum, qui solus est amator,

*B. Andrea Auellini. 67*

tor, Redemptor, & liberator  
tuus, vt cum in mundo pressu-  
ram habeas, in eo inuenias  
subleuationem, qui elisos  
erigit, dirigit iustos, & vi-  
uit, & regnat in sacula sæcu-  
lorum.

SOLILOQVIVM XI.

*Quod debeat homo Deum dilige-  
re, quia in eo solo inuenit,  
quod faciat pro  
bono suo.*

**O** Domine vita, & dulcedo  
animæ meæ. Incompre-  
hensa bonitas, quæ omnimo-  
dè satias omnem creaturam,  
amem te solum, quia nihil est  
in Cælo, & super terram præ-  
ter te. Ideo fecisti Creator  
meus cor meum ad te, vt non  
declinem illud in terram, sed  
inquietū sit quousq; ad te non  
per-

perueniat, qui solus sufficien-  
tia ipfius es. Etenim quod de-  
sideramus, quod quærimus,  
quod anhelamus in hac vita,  
& vanum est, & difficile obti-  
netur; inde nihil habet homo  
de labore quo laborat sub So-  
le, præter afflictionem spiritus  
& dolorem, ideoq; maledi-  
ctus est, qui confidit in filijs  
hominum, qui nec dare pos-  
sunt cum in ipsis non sit salus,  
nec volunt cum mendaces  
sint, vt decipiant ipsi de vani-  
tate in idipsum. Quod si obti-  
nemus id habemus, quod va-  
num est, & fluidum, quare &  
sumus in possessione anxij, cū  
mundana omnia uelut aquæ  
sint, quæ in præceps fluunt; &  
in amissione dolentes, quia  
id amittimus, quod nūquam  
sumus recuperaturi.

At tu Domine, qui solus  
bonus es, & solus es summū,

&

& uerum bonum, non affligis  
fame animã eius, qui te exu-  
rierit, quia cum habebit te ni-  
hil amplius supererit ei desi-  
derandum, quia te possiden-  
do possidet omne bonum. Tu  
non das fluctuationem, quia  
nunquam elôgaris ab aliquo  
nisi ille prius elongetur à te.  
Tu bonitas inexhausta, qui  
nunquam spem nostram ab-  
scindis, sed toties peccatis, &  
sceleribus expulsus, adhuc  
nos requiris, licet in sanguine  
conculcatos; adhuc uis expã-  
dere super nos amictum tuæ  
misericordiæ, quo remittis,  
& tegis omnia peccata, &  
scelera nostra. Cur ergo  
non te diligam Satietas æter-  
na, quæ satias sine fasti-  
dio: Requies imperturba-  
bilis, quæ recreas sine an-  
xietate: Misericordia insupe-  
rabilis, quæ licet à me irritata  
ha-

habes in te semper viscera  
unde miserearis?

Cur non te diligam Boni-  
tas infinita, quæ pro omni-  
bus, quæ mihi retribuisti nul-  
lum aliud repensum requiris,  
quam ut te amem: Liberali-  
tas immensa, quæ semper de-  
clinare facis super me fluuium  
pacis: Consolatio uera, quæ  
aufers à me omnem languo-  
rem? Cur non te diligam Ma-  
gister uere, qui docuisti me  
uias iustitiæ in ueritate: Pa-  
stor bone, qui me ouem erro-  
neam toties in ouile reuoca-  
sti: Ductor secure, qui deduxi-  
sti me in semitam rectam pro-  
pter inimicos meos: Prote-  
ctor fortis, qui propugnator  
fuiſti ad me saluandum: Su-  
sceptor pie, qui suscepisti me  
de uia iniquitatis? Sed Domi-  
ne non possum te diligere, nisi  
tu dederis, fac ut te diligam,

&amp;



**B. Andrea Auellini. 71**

& quod totus à me abalienatus , totus ad te confugiam .

En tibi præbeo uitam meā  
aufer à me eam, si totam non  
referatur ad te . En hono-  
rem meum tibi dedo , quem  
tunc habuero , cum diligam  
te. Hic ure Domine, hic seca,  
non recuso laborem , dolores  
tormēta, gladios. Ignis, crux,  
bestiæ, confractio ossium, mē-  
brorum diuisio, & totius cor-  
poris contritio ueniant super  
me . Tribulatio, fames, angus-  
tia, nuditas, persecutio in me  
sæuiant. Mors, Infernus, Dia-  
bolus seipfos acuant contra  
me . Hæc omnia nil pensi ha-  
beo , non curo, sperno, dum-  
modo sit in me charitas , qua  
te amem super omnia , quæ  
tunc bona erit , si depende-  
rit à bonitate tua ; dummo-  
do sit in me timor quo custo-  
diam legem tuam semper , &  
in

72 *Soliloquia*

in sæculum sæculi; dummodo  
totus te diligam , qui totus  
fuisti in me creando, totus in  
me redimendo, & totum te  
mihi promittis in beatifican-  
do.

SOLILOQVIVM XII.

*Quod debeat homo amare Deum  
quia in eo solo est verum  
gaudium.*

**D**Eus meus, uita mea, dul-  
cis, dulcedo mea sancta,  
requiris à me amorem, ut sē-  
per ducerem dies in lætitiā,  
nunquam in mœrore; nam cū  
nihil sit in hac uita, quod non  
germinet afflictionem, tu so-  
lus es , qui germinas nobis  
gaudium, & laudē coram  
omnibus. Etenim diuitiæ flu-  
xibiles sunt adeo ut uix ad  
eas oculos aperire possimus  
cum

cum faciant sibi alas ad volandum. Honores fallaces, & in æstimatione hominum tantū positi, qui non iudicant, nisi quæ apparent, vnde eorum iudicium fallibile est. Homines vani sunt vnde fugiūt velut vmbra, & nunquam permanent in eodem statu, mendaces sunt vnde decipiunt de vanitate in idipsum, fallaces sunt vnde qui confidunt in ipsis sperant in baculis arundineis atque confractis. Deliciæ omnes, & voluptates licet variis illicitis ad se trahāt, trahūt tamen ad dedecus, ad ignominiam, ad mœrorem, quia nunquam sunt non mœroribus occupatæ, nam extrema gaudii luctus occupat. Tu autem lætitia nostra es, tu iubilum, tu exultatio; & ideo nescit gaudere, qui nescit te possidere: ideoq; Apostolus

D

tuus

## 74. Soliloquia

*Phil. 3.* tuus dicit, *Gaudete in Domino semper; iterum dico gaudete.* In te dicit gaudendum, quia tu solus potes esse causa nostræ exultationis; *semper* subdit, quia nec tribulatio, nec angustia, nec persecutio, nec mors, nec vita, nec creatura, alia poterit nos separare à gaudēdo in te, si nos nō separauerit ab amādo te. *Iterū dico gaudete* repetit, quia vnaquęq; exultatio gradus est futuræ, & non est qui lætetur in te, qui nō eructet etiam memoriā abundantia suauitatis tuæ.

Ideo Domine Apostoli tui ibant à cōspectu concilij gaudentes, ideo se existimabant esse in honore quando non erant in honore hominum, ideo superabundabant gaudio quando videbant multipli-

plicatos, qui infurgerent aduersus eos, quia amabant te; & replebantur consolatione, quia videbāt sibi per paupertatem, stragem, cruorem, laniationem membrorū aperi aditum ad soliū regni tui.

Hæc autem tormēta ideo tolerabant, quia iam mundo mortui, & sibimetipsis, in te, viuebant, & dulcis erat illis calix passionis dulcoratus à doloribus passionis tuæ.

O si scirent homines, quæ & quot bona pariat tribulatio, gauderent in ea, in qua dat Deus viam ad aperiendam spem æternæ vitæ; imò placerent sibi eo quod pressuris, & tunctionibus cognoscerent se poliri pro ædificio cœlestis Ierusalem: sed ideo dolent, quia nesciunt per charitatem adhærere tibi, qui in afflictio-

ne facis, quod nō tribulemur;  
qui excutis flammam ignis  
de fornace, vt eos, qui in ma-  
nu tua sunt non tangat tor-  
mētum mortis; qui facis me-  
dium fornacis quasi ventum  
roris flantem, vt in medio af-  
flictionis recreemur.

Cur igitur non amabo te,  
Domine, qui es consolatio  
mea, & auxilium meum, qui  
semper es mecum, nec dere-  
linquis me etiam in fouea, &  
in vinculis? imo educis de la-  
queo quem statuunt mihi ini-  
mici, & in tribulatione dila-  
tas cor meum. Amabo igitur  
te Domine Deus liberator  
meus ex toto corde, nec pa-  
tiar, quod à te me separent  
omnia quæcumq; mala, quia  
sicuti à te auersus impossibile  
est, quod viuam etiam si abū-  
dauero omnibus bonis vitæ  
huius; ita ad te conuersus im-  
pos-

*B. Andrea Auellini. 77*

possibile est vt peream, licet  
sit mihi ambulandum in terra  
deserta, inuia & inaquosa, &  
in medio vmbrae mortis. Igi-  
tur amabo te, quia summa  
miseria mihi erit, si non ama-  
uero te. Amabo te solum, quia  
tu solus Dominus, tu solus  
Sanctus, tu solus Creator, be-  
nefactor, adiutor meus in tri-  
bulationibus. Amabo te ex  
corde, quia non suscipis holo-  
causta, quae non sint medulla-  
ta; & ex corde toto, nam veh  
illis, qui corde & corde loquū-  
tur, & qui ingrediūtur duabus  
vii. Amabo te ex tota anima,  
quia nullam in vita mea par-  
tem relinquam, quae nō vacet  
tibi. Amabo te ex omnibus  
viribus meis, quia cum sis im-  
mensum bonum, quantumcū-  
que te amauero semper es  
maior omni amore.

## SOLILOQVIVM XIII.

*In Ascensione Domini.*

**C**Lementissime Domine,  
qui venisti ad nos mitis,  
& mansuetus, & voluisti fieri  
frater noster, vt nos faceres  
confortes diuinitatis tuæ, qui  
verbo nos docuisti, & exem-  
plo ostendisti quibus itineri-  
bus peruenire possimus ad sa-  
lutem. Doce me magister bo-  
ne, illumina me lux vera, quæ  
illuminas omnem hominem  
venientem in hunc mundum.  
Tu dixisti exiui à Patre, & ve-  
ni in mundum, iterum relin-  
quo mundum, & vado ad Pa-  
trem. Existi enim à Patre cum  
Verbum caro factum habita-  
sti in nobis, ita vt videremus  
gloriam tuam, gloriam quasi  
vnigeniti à Patre qui nō exie-  
ras



ras, cum Verbum eras à Patre prolatum splendor glorię, & figura substantiæ eius; nam verbum eras apud Deum: sed existi à Patre cum venisti in mundum; existi inquam non relinquendo Patrem, cū quo semper manes vnigenitus in sinu ipsius; & sicuti cum venisti ad nos minimè Patrem reliquisti, ita cum reliquisti mundum, minime nos reliquisti, cum Deus immensus vbique sis per essentiam, præsentiam, & potentiam, cumq; sub speciebus panis, & vini semper nobiscum sis, vsq; ad consummationem sæculi.

O clementissime Domine quomodo amasti me, cui parum fuit omnia, quæ in mundo sunt sub meis pedibus subiicere, parum me ad imaginem, & similitudinem tuam efformare, parum exinanire

temetipsum, & habitu inueniri vt homo, qui semper es Deus immensus, incommutabilis, æternus: sed insuper voluisti fieri obediens vsq; ad mortem, mortem autem crucis, vt propter hoc exaltatus, me doceres humiliationem esse viam, qua peruenire possē ad sublimitatem: Quid dicam, aut quid respondebo tibi cum talia mihi feceris? Nascens te mihi focium dedisti, vt nos vere dicere possimus: Ecce Deus tamquam vnus ex nobis factus est. Me cohæredē tuum fecisti, quasi parū fuerit subiicere sub pedibus meis omnia, quæ in mundo sunt, nisi ēt mihi dares cœlestē hereditatem. Exinanisti temetipsum, vt me tua gloria repleres. Humiliatus es nimis, vt me de portis mortis exaltares. Descendisti vsq; ad inferior-

**B. Andrea Auellini. 81**

riora , vt illinc me educeres  
vinctum sedētem in tenebris,  
& vmbra mortis . Ascendisti  
crucis patibulum , vt ligno  
solueres damna ligni . Affligi  
voluisti, vt me ab afflictione  
liberares. Mortuus es, vt mor-  
te tua destrueres mortem  
meam. Sepultus, vt ex inferis  
extraheres vitam meam. Re-  
surrexisti propter iustifica-  
tionem meam . Vnde Domi-  
ne video , quod totus mihi  
natus sis, & totus datus, quia  
totum, quod accepisti à me  
contulisti mihi in salutem. Si-  
cut ergo progressus à Patre  
tamquam lumen de lumine  
apparuiſti lux vera, & illumi-  
nasti omnem hominem ve-  
nientem in hunc mundum,  
ita ut in lumine tuo ambula-  
remus tota die; ita etiā relin-  
quendo mundum, & eundo  
ad Patrem; etiam pro nobis

82 *Soliloquia*

cœlos ascendisti , vt qui in lumine tuo exurreximus à mortuis in iustitia tua exaltaremur .

Ascendisti Domine in altum , vt ibi parares mihi locū vnde cecidi , & quo per tuam misericordiam sum reuocatus . Ascendisti , vt causam meam discerneres Aduocatus apud Patrem iustus; vt me de gente nō sancta liberares Propugnator fortissimus ad saluandum; vt conciliares mihi paternam misericordiam Propitiatio superexcedēs omnia peccata mea . Ascendisti , vt spem meam eleuares , qui depressus eram graui sarcina iniquitatis , vt de cœlo respiceres in me , & miserearis mei , vt me tibi tamquā capiti coagmētares in gloria , qui propter nimiam charitatem voluisti me tibi per gratiam

co-

coagmētari. Ascēdisti, vt nos  
ab his terrenis abducti non  
amplius quæramus intelle-  
ctu, nec sapiamus affectu ter-  
rena, sed cœlestia, vt scilicet  
vanis, caducis, corporalibus,  
vilibus posthabitis, in cœlis  
vbi tu es, vera, æterna, spiri-  
tualia, sublimia quæramus.  
Ascendisti, vt de excelsis cœ-  
lorum habitaculo large dif-  
funderes bona tua, & ex al-  
to tuæ misericordiæ nos visi-  
tares, & in nos mitteres spiri-  
tum tuum bonum de cœlis,  
spiritum sapientiæ, vt videre  
possimus agenda; spiritum  
intellectus, vt eligamus, quæ  
sunt recta; spiritum consilii,  
quo consulendo alijs prospiciamus,  
spiritum fortitudinis  
quo nunquam, vel in aduersis  
animum despondeamus; spi-  
ritum scientiæ, vt habeamus  
diuinæ legis cognitionem;

spiritum pietatis quo pure  
 mente te coleremus; spiritum  
 timoris, vt vereremur omnia  
 opera nostra. Ascendens in  
 altū accepisti dona, ab homi-  
 nibus, quia ex his, quæ passus  
 es, didicisti compati, & eadē  
 hominibus dedisti .s. merita  
 sanctissimæ humanitatis tuæ;  
 & insuper mittendo spiritum  
 bonū petentibus te, præbuiſti  
 virtutem, vt fortes essent ad  
 aduersa sustinenda, & obediē-  
 do præceptis tuis ambu-

larent te auctore,

ductore, &

directo-

re

ad videndum te

Deum Deo-

rum in

Sion.

SOLILOQVIVM XIV.

*Oratio ad Patrem, vel cum assistitur sacrificio missæ, vel ante communionem.*

**A** Mantissime Domine creator meus; quid tibi retribuam pro omnibus, quæ mihi retribuisti. A te enim habeo quod sum, quod redemptus, quod iustificatus sum; & nihil sum ex me, nisi putredo, & vermis; nihil habeo præter peccata, quibus thesaurizaui mihi iram tuam, vnde cum non possim respondere vnum pro mille eorum, quæ mihi retribuisti, confundor accedere ante conspectû diuinæ maiestatis tuæ nedum vacuus, sed peccatorum for-  
dibus inquinatus. Sed quid à me non sum, non habeo, non

86     *Soliloquia*

valeo, vsurpo mihi ex meritis  
Domini mei Iesu Christi Sal-  
uatoris mei, quem ex Maria  
semper Virgine natum dedi-  
sti mihi. Illum pro me in cru-  
ce immolatum, meæ salutis  
causam, meæ regenerationis  
lauacrum, meæ redemptionis  
pretium, spem, vitam, & forti-  
tudinem meam tibi offero.  
Ne respicias clementissime  
Pater ad peccata mea quibus  
te irritavi, respice in faciem  
Christi tui, qui te ad miseri-  
cordiam incitauit. Offero ti-  
bi cor meum, sed rogo Domi-  
num Iesum Saluatore, quod  
illud antea purget, illuminet,  
& secum vniat. Ipse enim est  
agnus immaculatus, qui tol-  
lit peccata mundi, lux vera,  
quæ illuminat omnem homi-  
nem venientem in hunc mū-  
dum, amor indeficiens, qui  
delicias suas reputat esse cum  
filijs



*B. Andrea Auellini. 87*

filijs hominum. Multa sunt, & enormia delicta mea, quibus iram merui, sed pretium superexcedens est vnigenitus filius tuus, quem tibi offero hostiam propitiationis. Suscipe eum clementissime Pater, pro innumerabilibus peccatis, & offensionibus, & negligentijs meis, quia ad hoc venit in mundum, vt peccata mundi tolleret, & peccatores saluos faceret.

## SOLILOQVIVM XV.

*Oratio ante communionem ad  
Filium.*

**I**esu splendor gloriæ, & figura substantiæ Patris, quis sum ego, vt intres in cor meum coinquinatum, & in quo nihil residet præter terrenum. Quo pacto accedam  
ad

# 88      *Soliloquia*

ad te manducandum : si Præ-  
 cursor tuus quem in vtero sã-  
 ctificasti, & qui vitam suam,  
 nec leui famine maculauit,  
 sancto timore correptus se  
 indignum æstimabat soluere  
 corrigiam calceamenti tui.  
 Quomodo auferim te intra  
 mea viscera claudere, si Im-  
 maculata Virgo, quæ omni-  
 bus virutibus repleta merito-  
 rum verticem vltra Angelorũ  
 Choros erexit vsque ad soliũ  
 Deitatis, te Creatorem om-  
 nium conceptura cõtremuit,  
 vnde cogitabat qualis esset  
 angelica salutatio. Sed Dñe  
 etsi indignus, tui tamen indi-  
 gus sum; nam multiplicatæ  
 sunt iniquitates meæ, creue-  
 runt ignorantia meæ, & nihil  
 est in meo corde, quod sit in-  
 tegrum: Pauper sum infirmus  
 debilis, & repletus multis mi-  
 serijs. Tu solus Domine con-  
 ner-

uerte re potes animam meā,  
quia non est aliud nomen, sub  
cœlo datum hominibus, in  
quo oporteat nos saluos fie-  
ri. Tu solus potes me docere,  
qui solus potes illuminare te-  
nebras meas. Tu solus restau-  
rare, cui patent corda homi-  
num, & qui solus sanas con-  
tritos corde, & alligas contri-  
tiones eorum. Tu ad vitam  
reuocare, quia tui sunt exitus  
mortis. Tu in viam rectam  
reducere, quia tu solus es ma-  
gister verus, qui viam vitæ in  
veritate doces. Vincat ergo  
fides anxietatem meā, spes  
desperationem, & perfecta  
charitas foras mittat timorē.  
Accedo ad te fontem bonita-  
tis, rogoq; te, vt propitieris  
peccato meo, licet multo ni-  
mis. Abyssum sapientię, vt do-  
ceas me bonitatem, & disci-  
plinam, & scientiam. Perfe-  
ctam

Etiam iustitiam, vt in bonitate  
 tua instruar in iustificationi-  
 bus tuis. Medicum salutis, qui  
 solus sanas omnes infirmita-  
 tes. Fortitudinem meam in  
 quo confortatus nihil est, q̃  
 non potero. Suauitatem meã  
 qua prægustata etiam amara  
 huius vitæ dulcescent. Tran-  
 quillitatem meam in qua se-  
 curus dormiam, & requiescã,  
 Refugium meum in quo se-  
 curus ero ab omnibus inimi-  
 cis. Intende Domine ad de-  
 precationẽ meam, sana me, &  
 sanabor, saluum me fac, & sal-  
 uus ero. Conforta me sancto-  
 rum principatum tenens, re-  
 crea, & suauiter affice aridũ  
 palatum cordis mei, saluum  
 me fac in tua misericordia,  
 quæ sola est tota ratio spei  
 meæ. En congregati sunt ini-  
 mici mei, vt dimicent aduer-  
 sum me, & quid agere debeã  
 igno-

ignoro . Para in conspectu  
meo mensam aduersus om-  
nes, qui tribulant me. Impin-  
gua in oleo infusionis Spiri-  
tus sãcti mētē meā; calix tuus  
inebrians inebriet cor meū,  
vt obliuiscar mala mea , &  
amplectar te, qui vnicum, &  
perfectum bonum es. Auctor,  
& consummator salutis meæ  
grandis mihi restat via, à pec-  
cato scilicet ad gratiam, à vi-  
tiis ad virtutes, à terra ad cœ-  
lum, à creaturis quibus adhe-  
si tenaciter ad te Creatorem  
meum, cui adhærere cupio  
indissolubiliter ; si dimiseris  
me ieiunium deficiam in via,  
etenim de longe ueni, à sum-  
ma scilicet miseria, & à pro-  
fundo lacu, in quo demersus  
uixi; à regione egestatis, in-  
quam miser abii, & ubi con-  
sumpsi substantiam meam : à  
terra sitis, in qua fodi mihi  
cister-

Esa. 34

cisternas dissipatas minime  
valentes continere aquas cō-  
solationis: à loco horroris, &  
vastæ solitudinis, *vbi occurrūt  
dæmonia, vbi pilosus clamat al-  
ter ad alterum, vt validius in-  
surgant, & non est, qui eripiat.*  
Libera me Saluator meus, re-  
fice me consolator meus, cō-  
forta me fortitudo mea, vt in  
fortitudine tua ambulē vsque  
ad montē hæreditatis tuæ.  
vbi Tu cum Patre, & Spiritu  
Santo viuis, & regnas Deus  
in sæcula sæculorum.

## SOLILOQVIVM XVI.

*Alia oratio ante communionem  
ad Filium.*

**D**omine, summe, omni-  
potens, incomprehensibi-  
lis dicam verbum quo con-  
fundar hic, ne confundar in-  
æter-

*B. Andrea Auellini. 93*

æternū. Nō sum dignus, vt in-  
tres sub tectum meum toties  
inquinatum, & omnibus vi-  
tijijs repletum. Sed tu dic tantū  
verbo, & sanabitur anima  
mea: nam tu es, qui verbo tuo  
cœlos formasti; & spiritu oris  
tui omnia, quæ in mundo sūt  
vitam habent, inspirationem,  
& omnia. Ecce iam accedo  
ad te totus deformatus, & qui  
ad nihilum me reduxi, qui  
eram manibus tuis factus, &  
totus plasmatus in circuitu.  
Reforma verbo tuo, quod to-  
ties destruxi opere meo: fac  
vt in spiritu oris tui stet vnda  
fluens cordis mei, & qui to-  
ties abs te defluxi, & abij in-  
præceptis, stabilis, & immobi-  
lis in te perseuerem. Accedo,  
vt leprosus ad medicū, & Sa-  
cerdotē. Clamo in toto corde  
*Domine si vis potes me mundare. Matth.*  
Sonet quæso vox tua, quæ mi- 8. 3.  
seren-

94 *Soliloquia*

ferentis est in auribus meis  
*Volo*, quia non vis mortem  
 peccatoris. *Mundare*, quia tu  
 solus es, qui facere potes mū-  
 dum de immundo conceptū  
 femine. Accedo tamquam in-  
 firmus, qui multos annos ha-  
 bui in infirmitate mea, & spe-

*Io. 5. 8.*

ro à te audire. *Surge*, vt am-  
 plius non obdormiam in pec-  
 catis. *Tolle grabatum*, vt non  
 premar sarcina meorum pec-  
 catorum prægrauatus. *Ambu-  
 la*, vt deinceps progrediar de  
 virtute in virtutem, qui olim  
 corruui per abrupta vitiorum.  
 Accedo, vt Zacchæus statura  
 pusillus, quia nunquam ad  
 opus aliquod adfurrexi, quod  
 ad te me dirigeret: Fac me  
 audire vocem tuam, quæ cle-

*Luc. 19*

*5.*

mentix est. *Hodie in domo tua*  
*oportet me manere*, vt manen-  
 do tu in me, ego maneam in  
 te, & nulla mala timeam quo-  
 niam



niam tu mecum es.

Tu es Domine , qui venisti , vt quæreres , & saluum faceres , quod perierat . En Domine ego sicut ouis , quæ periit , nam oblitus tui , qui pauiisti me à iuuentute mea , audiendo vocem alienigenorum per deuia vitiorum aberrauì , in condensa deueni , in tenebrosis constitutus sum ; Vndiq; lupi rapaces me circumeunt quærentes me dispergere , rapere , laniare . Quære me seruum tuum sperantem in tua misericordia , repone me super humeros protectionis tuæ , deduc super semitas iustitię , colloca in loco pascuę , fac vt amplius mala non timeam dum tu mecum sis . Tu es Domine Creator meus reformā in me opus tuum , & destrue opus meum . Tu es Redemptor meus,

meus, subueni mihi famulo tuo, quem pretioso sanguine redemisti. Tu es Saluator meus, saluum me fac in tua misericordia, & fac vt non confundar, quoniam inuocaui te. Tu es portio mea in terra uiuentium, sit mihi corpus Filii tui pignus hæreditatis æternæ ad quam adspiro. Tu es Iudex meus, iudica queso nocentes me, expugna eos, qui toties me expugnauerunt. Fac vt hic à te iudicer in correctionem, ne in futuro iudicer ad condemnationem. Exaudi Domine orationem meam exaudi me non in propria, sed in tua iustitia confidente. Persecutus est inimicus animam meam, vt eam separaret à iustitia tua; humiliavit, atq; deiecit in terram uitam meam, ut tota terrenis adhereret: Miserere mei secundum  
ma-

magnam misericordiam tuā,  
erige, & sustenta me, qui es  
Saluator, & protector meus,  
& viuis, & regnas in sæcula  
sæculorum.

SOLILOQVIVM XVII.

*Oratio post communionem ad  
Filium.*

**G**Ratias tibi ago Domine  
Iesu Christe, qui prop-  
ter me de sinu Patris in terrā  
descendisti; vt caro factus in-  
nobis habitares, qui verbum  
eras apud Deum: quique ad  
cœnam tuam me vocasti, vt  
faceres consortem tuæ natu-  
ræ, qui cum in honore essem,  
cum non intellexissem, com-  
paratus eram iumentis insi-  
pientibus. En Domine à te su-  
sceptus in vnitate tui corpo-  
ris, fac vt semper adhæreat

E

ani-

anima mea post te, ita vt indi-  
uiduatē habeam in tuo cor-  
pore. Ne permittas me à te,  
separari, quia tu es Deus cor-  
dis mei, & pars mea in-  
æternum. Fac vt propter te,  
sustineam opprobriū, confu-  
sionē, dolorē, cruciatus, quia  
tu pro me factus es obediens  
vsque ad irrisiones, blasphemias,  
verbera, & vsq; ad mor-  
tem Crucis. Concede mihi sa-  
cramētum, & virtutem sacra-  
menti. Etenim panis est sua-  
uissimus delicias præbens in-  
explicabiles, calix inebrians  
mutans gustum omnium mū-  
danorum: Concede mihi nau-  
seam rerum terrenarum, quæ  
panes sunt mendacii replen-  
tes calculis ora nostra; & vina  
decipientia, quæ splendent  
quidē in vitro fragilitatis, sed  
ingrediuntur blande, vt in no-  
uissimo mordeant. Concede

vt

vt in te quiescam, qui es requies vera; vt à voluptate tua inebrier, qui es torrens voluptatis; vt in te satier, qui es panis viuus omnes delicias prebens. Ne permittas Domine, quod vnquam præualeant cōtra me inimici mei, vel contra me insurgēdo, quia tu es fortitudo mea, & refugium meū; vel decipiendo, quia tu es illuminatio mea; vel instillando concupiscentiam vanitatum, quia tu es satietas vera replēs bonis esurientes, & nullam præbens fluctuationem. Concede mihi omnium peccatorum remissionem, quia tu es medicus, & medicina auferēs omnem languorem, & infirmitatem. Quia in te confido, sit mihi omne auxilium à tua misericordissima bonitate. Quia concupiscō in atria, & altaria tua, deficiat anima

100 *Soliloquia*


mea, vt nō. amplius in me, sed  
tota in te viuat transformata. Domine virtutum præbe  
mihi fortitudinem cōtra omnes  
aduersarios meos. Rex  
meus rege me ne timeā mala  
cū ambulauero in medio vmbra  
mortis. Deus meus renoua  
iuuentutem meam. Tu qui  
es doctor, & esca iustitiæ, qui  
dedisti mihi legem legislator  
sapientissime, præbe mihi benedictiones, vt obliuiscens,  
quæ sunt retro, & extendens  
me ad anteriora, de virtute  
progrediar in virtutē, donec  
perueniam ad te videndum.  
Deū Deorum in Sion. Amen.



EX-

# EXPOSITIO B. ANDREAE

In Psalmum XXXV.



In finem, filijs Chore  
pro arcanis.

**Q**uis nam fuerit huius psalmi auctor apud Doctores est in cōtrouerso. Aliqui enim existimant compositū à filiis Chore illius, qui cum Dathan, & Abiron contra Mōysen coniurauit, & cuius rei historia est in libris Numeri, in qua visum fuit prodigium tum iustitiæ,

*a Num.*  
16. 5.  
26.

E 3 tum

102 *Expositio B. Andrea*

tum misericordiae diuinæ: Iu-

b Ps. 105. 17 *stitit quidem, quia b. Aperta est terra, & deglutiuit Dathan, et operuit super congregationem,*

eNum. 16. 35. *Abiron, in superq; c ignis egressus à Domino interfecit ducentos quinquaginta viros, qui offerebāt incensum; Misericordiae verò,*

dNum. 26. 11. *quia d factum est grāde miraculum, ut Chore pereunte filij eius non perirent. Hi autem, quia patris perniciae non consēferant immunes fuerunt à flāma, qui immunes fuerāt à fumo ambitionis; nec debuerūt absorberi à terra, qui erant*

dylos *dylos, præcipua præditi sanctitate, & in quorū cordibus nihil infederat terrenum. eMiraculum autem grāde euenit, ut cum dirumperetur terra, & aperiret os, ut deuoraret illos tres blasphemos cum tabernaculis suis, & omni substantia eorum; remanserunt hi in aere,*

pen-



pendētes quousque terra denovo occluderetur, recedente ea à sua stabilitate ad vindictam malefactorum, & acquirente aere consistentiam ad laudem bonorum. In monumentum igitur animi grati hunc psalmum Domino cecinerunt, qui præstitit illis auxilium in tēpore tā oportuno.

Alij existimant compositū à Dauide præuidente Christi-fideles Ecclesiæ incipientis, qui *filij Chore*, idest Christi dici possunt; nam cum Chore interpretetur *Caluus*, Christum significat, qui in monte Caluario sub arbore malo Ecclesiam peperit. Huic sententiæ magis accedo, qui existimo omnes centum quinquaginta psalmos à Dauide fuisse cōpositos. Eucharisticus autem est hic psalmus, & ideo iure usurpari potest ab iis quos

Dominus de multis tribulationibus eripuit, siue quæ ab hominibus proueniant, siue à diabolo. Et cum in eo fiat mētio adiutorij, & protectionis Dei altissimi, decātarī debet ab ijs, qui spem suam in Deo collocant minime à periculis quantumuis grauib. infringendam.

**I** Deus noster refugium & virtus : adiutor in tribulationibus, quæ inuenerunt nos nimis;

*Deus quem nos colimus, refugium nostrum est, nostraque virtus; ideo multus est in nos liberando à mul-*

*multis tribulationibus,  
quæ venerunt super nos.*

**M**irum in hoc versiculo  
elucet Prophetæ arti-  
ficium cum dicit *Deus noster.*  
Etenim Dominus licet sit De-  
us omnium creaturarū quas  
condidit ex nihilo, attamen  
Deus hominum cupit esse per  
gratiam; ita ut nedum Crea-  
tor, sed & Redemptor, Salua-  
tor, Iustificator, Glorificator  
hominum dici debeat; ideoq;  
peculiariter nos *Deum nostrum*  
illum appellamus. Item *Deus*  
*noster*, quia factus homo vo-  
catum fuit *nomen eius Emanuel*, quod interpretatur *nobi-*  
*scum Deus*; voluit enim fieri  
frater noster, ut cohæredes  
nos faceret Regni patris sui,  
voluitque nobiscum conuer-  
sari, ut ad amissam vitæ suæ

*f. Isa. 7.*

*14.*

*Matth.*

*1. 23.*

**E** 5 **nos**

106 *Expositio B. Andreae*

nos dirigēdo gressus nostros ,  
 consortes fieremus diuinita-  
 tis suæ . Insuper *Deum nostrum*  
 appellat eum Dauid in per-  
 sona iustorum , quia subdit *in*  
*tribulationibus* ; sunt enim ple-  
 rique, qui Deum suum dicunt  
 in die lætitiæ , quem tamen  
 negāt verbis, vel blasphemix,  
 vel diffidentix in die tribula-  
 tionis . Nos autem semper  
*Deum* nostrū appellemus, siue  
 cum nos præuenit in benedi-  
 ctionibus dulcedinis , coro-  
 natque in misericordia, & mi-  
 serationibus; siue cum , vel vi-  
 sitat in virga suæ correptionis  
 iniquitates nostras , vel pro-  
 bat nos tamquam aurum in  
 fornace afflictionis.

*Refugium, & virtus.* Apte  
 vtrumq; nectit Propheta; Ete-  
 nim reperire apud aliquos fi-  
 lios hominum, *Refugium* licet  
 difficile, attamen non est im-  
 pos-

possibile, impossibile est autē,  
 quod in illis inuenias virtutē g Psal:  
 in quibus non est salus ; exhib 142. 2.  
 enim spiritus eius, & reuertetur  
 in terram suam : Deus autem  
 noster est Refugium, & virtus,  
 quia nedum excipit refugas,  
 sed sustētat, h nomen enim eius h Prou.  
 turris fortissima est nedum ad 18. 10.  
 suscipiēdum, nam ad eam cur-  
 rit iustus, sed etiam ad saluan-  
 dum, nam i iustorum animæ in i Sap. 3  
 manu Dei sunt, & non tanget eos 1.  
 tormentum mortis, quare quili-  
 bet ipsorum dicere poterit K K Ps.  
 Deus meus susceptor salutis meæ. 88. 27.

Refugium, & virtus, adiutor:  
 Ob tria indigemus opitula-  
 trice diuina manu, vel vt ex-  
 trahat nos l vinctos à diabolo l Ps. 67  
 in fortitudine suæ iustificatio- 7.  
 nis, & idcirco est Refugium no-  
 strum: vel vt sustentet pedes  
 nostros ne in lubrico labātur,  
 eosque dirigat in viam pacis,

108 *Expositio B. Andreae*  
et ideo dicitur *virtus nostra* :  
vel vt præsto sit ad saluandum  
nos ab omnibus inimicis, qui  
vndique nos oppugnant, &  
quærent supplantare gressus  
nostros, & tunc merito addi-  
tur *Adiutor noster*. Emunde-  
mus autem corda nostra, vt  
iis vocibus Dominum cõpel-  
lare possimus; non enim pec-  
cator *suum* dicere potest *Deũ*,  
quem peccando à se reiecit  
neq; appellare *Refugium, Vir-  
tutem, Adiutorem* cum recesserit  
à Deo salutari suo. Nos igitur  
appropinquemus Deo,  
quia ipse appropinquãdo no-  
bis præbebit fiduciam, vt ei  
dicere possimus *Deus noster, Re-  
fugium*, qui suscipit confugien-  
tes: *Virtus* quæ confortat de-  
biles: *Adiutor* qui adiuuat op-  
pressos.

At inquires cur dicitur Do-  
minus *Refugium, & Virtus* iu-  
sto-

ſtorum, cū multi ſint Dei cul-  
 tores, qui de tribulatione ſua  
 clamant ad eum, & non exau-  
 diuntur? Sed iure omnium,  
 iuſtorum dicitur *Deus Refugiū,*  
*Virtus, Adiutor in tribulationi-*  
*bus,* quia ſemper eis præſto eſt  
 ad ferendam opem; vel exter-  
 nam eripiendo eos à multis  
 tribulationibus, quæ eos cir-  
 cumdant; vel internam, præ-  
 bendo fortitudinem vt non  
 deficient. Vult enim ſalutem  
 ſeruorum ſuorum, quia eſt  
 in *Deus ſaluos faciendi,* eiſque in Pf.  
 ſunt *exitus mortis,* exaltatque 67. 21.  
 ſemper de portis mortis tem-  
 poralis aliquando, æternæ ſcē-  
 per: Ideoque D. Paulus ſem-  
 per dicere poterat Deum *Re-*  
*fugium, virtutem, Adiutorem,*  
*ſuum,* ſiue cum *n* eripuit eum in 1. Ti-  
met. 3.  
*ex omnibus perſecutionibus, &*  
*paſſionibus factis illi Antio-*  
*chia, Iconia, & Lyſtris:* ſiue cum 11.  
 in

# 110 *Expositio B. Andreae*

o 2. Co-  
rin. 11.  
12.

p 2. Co-  
rin. 12.  
7.

o in laboribus plurimis in carce-  
ribus abundātius, in plagis supra  
modum in mortibus frequenter  
non dicit se liberatum; imò  
quando p rogavit ter Dominū,  
vt discederet ab eo Angelus Sa-  
thanae, qui eum colaphizabat  
absque eo, quod exaudiretur:  
nā in primis tribulationibus  
expertus est Deum liberatorē  
suum à periculis externis, in  
his autem agnothetam, in  
infirmirate perficientem suā vir-  
tutem. Semper igitur dicatur,  
Deus noster Refugium, & virtus,  
quia semper Deus cum iustis  
est, semperque est adiutor  
opportunos in tribulatione,  
nam exaudit vocem eorum,  
qui de profundis clamāt; pro-  
pter miseriam, & gemitum  
eorum mox exurgit, descēdit  
cum illis in foueam, & in vin-  
culis non dērelinquit; exau-  
ditque eos, vel liberando de



*in Psalmum 45. III*

manibus filiorum alienorum,  
& de aquis multis tribulatio-  
num; vel faciendo, quod *in* q *Isa.*  
*omni tribulatione non tribulētur* 63.9.  
cum det prouentum, vt pos-  
sint sustinere; ita vt iusti videāt  
monstra afflictionum conuer-  
ti in bonum, & gustent aquam  
merceris factam vinum con-  
solationis. Hoc in me ipso ex-  
pertus sum, qui nunquam ac-  
cessi ad Dominum quin illum  
expertus fuerim *refugium vir-*  
*tutem, & adiutorem meū*, adeo  
enim in tribulationibus meis  
fuit misericordia sua magna,  
super me, adeo me viuificauit  
in correptione sua, vt deside-  
rem semper affligi, rogemque  
eum, vt det mihi in laudem  
nominis suis cum toto sāgui-  
ne effundere vitam meam.

*Adiutor in tribulationibus,*  
*quæ inuenerunt, &c. Adiutorē,*  
*Virtutem, Refugiū dicere po-*  
terat

112 *Expositio B. Andreæ*

terat Moyses Deum vtpote liberatus à labiis operantium mendacium scilicet à perfidis illis, qui conspirauerant contra ipsum, quos terra deuorauit. Talem etiam appellare poterant filii Chore mirabiliter præseruati ne absorberentur. Sed cur iusti contra quos absque misericordia insurgunt viri mendaces ita non nanciscuntur Deum adiutorē? Hoc ideo, quia tunc Deus erat *r* *Deus ultionū*, & proinde *s* *pro-*  
*pitius erat terræ populi sui re-*  
*tribuendo vindictam in hostes*  
*errum*; nunc autem, quia est Deus totius clementię longanimior est in sustinendo. Hinc autem peccator occasionem non sumat perseuerandi in delictis suis, cum coaceruando peccata thesaurizet sibi iram in die iræ Dei, qui gravitate tarditatem supplicii cōpensabit. Prop-

*5 Psal.*

*93 1.*

*1 Deus.*

*32 43.*

2 Propterea non timebimus dū turbabitur terra, & transferentur mōtes in cor maris.

*Ideo in Domino confisi nil nobis mali trepidabimus etiam si tota concutiat<sup>r</sup> terra, mōtesque è suo loco euulsi transferantur in medium maris ab eius fluctibus absorbendi.*

**P**Ræuiderant filii Chore in sua liberatione, quod per Christum liberādi essent omnes fideles tum veteris, tum noui testamēti, & ideo in persona eorum dicunt *Propterea*  
*non*

114 *Expositio B. Andrea*

*non timebimus*. Etenim prisci illi discipuli Apostolorum cū viderent *turbari terram*, corda scilicet iudæorum, quæ *terrena* erant, quādo *t facta est persecutio magna in Ecclesia*, quæ erat Ierosolimis; et *montes trāsferri in cor maris*, Apostolos videlicet, qui montes erant in circuitu Ecclesiæ tunc nascētis, qui conuersi ad gentes *in cor maris* translati sunt, in mū- dum scilicet vbi alebātur horrenda monstra peccatorum. sed hi semper dicere poterāt *non timebimus*, quia longe debet esse à timore periculorū, qui in corde suo habet Christum à periculis liberantem.

Possunt etiam hæc verba intelligi prolata à Dauide præ- uidente, vel determinate ea pericula discipulorum, quæ exposuimus; vel quæcumque alia quorumlibet Christiano- rum,

1 Act. 8.1.

*in Psalmum 45. 115*

rum; quæ licet magna sint & multa, infractum ferient animum Christianum, solitum non solum non formidare, sed & ire gaudens in conspectum inimicorum, omneque gaudium existimare cū in varias inciderit tentationes. Montes autem Apostoli dicti sunt ob firmitatem fidei & Euangelii, *nā u in fide fundati erant immobiles, & stabiles à spe Euangelij.*

*u Colo.*

*1. 23.*

Ob perfectionem vitæ quæ cæteros supere eminebāt, reliquerant enim omnia, & in omnibus semetipsos, vt Christum sequerentur. Ob sublimitatem contemplationis, & cognitionis mysteriorū Dei, quia ipsi, qui fuerunt tamquā montes in circuitu Domini, & ante omnes lumen fidei habuerūt, & cæteris preclarius:

*x Vobis enim, ait Christus, datū est cognoscere mysterium regni*

*x Luc.*

*8. 10.*

*Dei,*

116 *Expositio B. Andree*

*Dei, cæteris autem in parabolis, ut videntes non videant, &c. In*

*Isa. 2. 1* horum montium vertice præparatus est mons domus Domini ad quem fluxerunt omnes gentes,

*Dan. 2. 34.* idest Christus, qui mons ille fuit magnus, qui impleuit vniuersam terram, factus ex lapide abscisso absque manibus; etenim ipse absque manibus abscissus est,

*Lut. 2. 15.* nam verbum hoc fecit Dominus, & ostendit nobis, par-

*Isa. 9. 6.* uus fuit in principio, quia paruulus filius datus est nobis, mox magnus mōs factus est, Apostolis eum annūciātibus, quorum sonus in omnem terram exiit, & verba in fines orbis terræ.

*Pf. 18. 4.* De eo etiam loquutus est ipsemet Christus apud Matthæum, si habueritis fidem sicut granum sinapis dicetis monti huic transi hinc illuc, & transibit eo quod per prædicationē Apostolicam Christus à Iudæa ad

*Matt. 17. 19.* po-

*in Psalmum 45.* 117

populum nationum translatus sit. Nos autem hic consideremus quantum sincera fides valeat, quæ Christum hinc illuc transfert: ab irato scilicet ad misericordem, à Iudice ad patrem, à vindice ad glorificantem.

**3** Sonuerunt, & turbatæ sūt aquæ eorum: conturbati sunt mōtes in fortitudine eius.

*Apostoli qui veluti montes in cor maris, ingentes cōmersi sunt, talem sonitum ediderunt, ut nedum populi cœu fluctus maris cōturbarentur, sed montes ipsi,*

*ipsi, potentes videlicet se-  
culi audientes magnalia  
Dei sicut cera deflueret.*

**M**ontes qui in superiori  
versiculo ob eminē-  
tiam, vel contemplationis, vel  
vitæ Apostolos significabant,  
in hoc significant potentes se-  
culi, qui contra eos, & Christi  
martyres insurrexerunt. Cum  
enim nullam in rerum natura  
sit, vel recula, quæ careat ali-  
qua bonitate, nulla quoque  
erit, vnde aliqua similitudo  
transferri in bonum nequeat.  
Scriptura igitur sacra, quia  
sapissime utitur metaphoris,  
iuxta exigentiam, ex eadem  
re similitudinem trahit modo  
in bonum modo in malum.  
Etenim David ut in menda-  
ces inueheretur metaphora,  
serpentis est usus, *Acuerunt,*  
di-



*in Psalmum 45. 119*

dicens, *linguas suas sicut serpentes*; & Dominus eadem metaphora usus est, vt redderet feruos suos prudentes, *Estote, inquit, prudentes sicut serpentes*, quia serpens quamuis perniciosum sit animal, multa tamen habet bona ad fidelium ædificationem conducentia; ex eo enim quod transit per angustum foramen, vt exuiã demittat pellis vetustæ, significat peccatorẽ, qui transeundo per foramen pœnitentiæ deponit veterem hominem, & nouum inducit, qui secundum Deum creatus est. Ex eo quod ad seruãdum caput habet pro nihilo, quod cœtera membra pessum eant, instruit fideles, quod omnia arbitrentur vt stercora, vt Christum, qui caput est lucrifaciant. Ex eo denique, quod obturat aures ne voces audiat incantãtium,

*Matt.  
10. 15.*

**120** *Expositio B. Andrea*  
tium, nos monet, surdos esse  
debere ad sibilum diabolicæ  
suggestionis ; & sicuti serpens  
alteram aurem fugit humi, al-  
tera vero obturat cauda, ita  
nos minime obsequentes eri-  
mus dicto venefici incantan-  
tes, si cauda obturauerimus  
aures cordis, considerando  
scilicet nouissima nostra ; &  
terra, si reputauerimus nos  
puluerem esse, & in puluerem  
reuersuros. Aquæ etiam, quæ  
frequenter Spiritus sancti do-  
na significant, eo quod refri-  
gerent, & fœcundant, hic ta-  
men sumuntur pro populis in-  
star fluctuum agitatatis, qui  
absque repagulis rationis eo  
magis se se illidunt tumentes,  
turgidi, suas confusiones de-  
spumantes, quo à spiritu fir-  
roris sui inuicem impelluntur.  
Quod videre fuit tēpore præ-  
dicationis Apostolicæ ; cum  
enim

enim audiretur sonus eorum,  
qui in omnem terram exhibat,  
*fremuerunt gentes sapissime; &* *Ps. 2. 1.*  
*medum populi, idest inferiores*  
*eorum, & terrigenæ con-*  
*turbati sunt meditantes inania*  
*contra ipsos, sed etiam Reges*  
*terre adstiterunt, & Principes*  
*conuenerunt in vnum aduersus*  
*Christum, quem Apostoli præ-*  
*dicabant. Ipsi autem interriti*  
*sonuerunt, quia loquebantur* *Act. 4. 4*  
*cum fiducia verbum Dei, quod*  
*minime poterat alligari in*  
*corde eorum, qui omnia susti-*  
*nebant propter electos, vt &*  
*ipsi salutem consequerentur.*  
*Quia tamen totum hoc ex su-*  
*peruenienti prouenit auxilio*  
*Sancti Spiritus sequitur.*



# 4 Fluminis impetus lætificat Ciuitatē Dei : sanctificauit tabernaculum suū Altissimus:

*Etenim Spiritus Sancti gratia per Apostolos undiq; supereffluēter effusa circumdat Ciuitatem Dei, quæ est Ecclesia, vel anima iusti, eamque adimplet lætitia cū vultu suo, eo quod Altissimus est, qui unumquemque fidelem seruum quem in tēplum suum eligit, sanctificat.*

Flu-

**F** Lumina hic accipiuntur  
pro Apostolis, vel viris  
Apostolicis, qui pleni diuina  
gratia eleuauerunt vocem,  
omnemque terram circum-  
dantes irrigauerunt eam, &  
foecundarunt. Ipsi etiam riui  
fuerunt illius fontis, qui dixit,  
*Si quis sitit veniat ad me, & bi-*  
*bat, & flumina de ventre eius*  
*stuent aquae viuae; & sicuti qui*  
accedit ad flumen plenissime  
satiatur, eo quod perenniter  
fluēs semper habeat, quod ef-  
fundat; ita qui accedit ad Apo-  
stolos, quia cū Deo pleni sint,  
non possunt non diffundere  
quod in se habent.

Io. 7.  
37.

Est etiā in hoc versiculo alius  
sensus; nā si cōsideremus Ciui-  
tatem Dei Ecclesiam, vel ani-  
mam fidelem, quam supra  
Propheta dixerat afflictam,  
nunc ab impetu fluminis lēti-  
ficatam, dicemus, quod decli-

**124** *Expositio B. Andrea*  
nare faciet Dominus fluuium  
pacis super eos, quibus datum  
est, vt pro Christo patiantur,  
quia in ipsis tribulationibus  
probe noscunt quot fructus  
lætitię parturiant persecutio-  
nes, labores, dolores pro Chri-  
sto cruci affixo tolerati. Qua-  
re pati pro Christo ita Chri-  
stianum est, vt cui non datum  
est tribulationes desiderare,  
easq; cū habuerit omne gau-  
dium existimare, is neque dici  
debeat Christianus. Quare  
Cruz quam libenter ample-  
ctenda, cum in ea gaudium  
sincerum, solidum, superabun-  
dans inueniatur etiam si mū-  
dus eat susq; deq;

**5** Deus in medio eius  
nō commouebitur:  
ad-

adiuuabit eā Deus  
mane diluculo.

*Neque eam Ecclesiā v3. vel  
animā fidelē destituet in-  
custoditā cū in medio eius  
sit protegēs, & propugna-  
tor ad saluandum: quare  
etiam si insurgant varia  
vitiorum tentamenta nō  
vacillabit, quia Deus  
præsto erit ad auxilium  
ferendum quā celerrimē.*

**I** Rrito conatu impugnant  
peccatores Ecclesiam, vel  
animam iusti; nam Deus, qui  
est diligens, & fortis adiutor,  
quam citissimē illuminabit, &  
confortabit vtramque: Illu-  
minabit quidem suggerendo,  
quod momentaneum hoc & leue 2. Cor.  
nostra tribulationis æternum glo- 4. 17;

126 *Expositio R. Andreae*  
*ria pondus operetur; Conforta-*  
bit cum sãctis cogitationibus  
roboratam reddet interritã,  
inflexibilem, inconcussam.  
O felix reuera anima, quę ha-  
bet in medio eius inhabitan-  
tem Deum : quid enim boni  
non habebit cum habeat secũ  
omne bonum? & quid mali  
ab inimicis timere poterit cũ  
habeat Deum in tribulationi-  
bus adiutorem? Sed notandũ  
quod dicit Propheta *Deus in*  
*medio eius, idest Ciuitatis, non*  
*commouebitur,* vt innuat tunc  
ad futurum Deum cum habi-  
tauerit in nobis : tamquam in  
medio ciuitatis: quare sit ci-  
uitas, qui vult habere inhabi-  
tatem Deum; nam sicuti ea  
locus est quo plures conue-  
niunt ad cohabitandum, ita  
ciuitas erit anima cum habe-  
bit vires suas rectè dispositas;  
cum scilicet caro non concu-  
pi-



discet aduersus spiritum, sed illi subdetur; cū ratio quæ potior pars est clauum tenebit, facietq; ne per concupiscibilem effrænem, vel irascibilem nō compressam, anima malis artibus impingat; cū memoria, intellectus, volūtas, ea exequantur, quæ sint conformia legi Dei, eaque fugiant, quæ illi non sunt consona. Tunc fiet reuera ciuitas, quæ in medio sui Deum habeat, & tunc non cōmouebitur Domino præbente illi auxilium in tempore oportuno.

6 Conturbatæ sunt gentes, & inclinata sunt regna dedit vocē suā mota est terra.

*Gentes autem, quæ post idola  
mutabantur conturbatæ sũt  
quando adhaeserunt vero  
Deo: & Reges, qui ambu-  
lauerant contra Dominũ  
extento collo prociderunt  
coram Christo eius. Hoc  
autem factum est cũ Al-  
tissimus dedit vocem suã  
per Apostolos, quibus de-  
dit quid loqueretur: nã  
tunc terra mota est, quia  
homines terreni ab infi-  
delitate ad fidem conuer-  
si sunt, & à vitijs ad vir-  
tutes.*

*Matt.  
10, 19,*

**D**icuntur conturbatæ gen-  
tes conuersæ ad fidem  
Christi, quia talis conuersio  
absque conturbatione nequit  
fieri. Impossibile est enim,  
quod

quod quis à via praua ad rectam cōuertatur quin sentiat commotionem in seipso: vitia enim in natura nostra iam corrupta tamquam in sede quiescunt, & ideo virtutibus accedētibus necesse est, quod conturbetur anima, cum lex mentis repugnet legi carnis; nam vbi illa suggerit homini, vt diuina ope soluat vincula colli sui, hæc captiuat eum in lege peccati. Gentes igitur prius deditæ crapulæ, lucris illicitis, & voluptatibus venereis, conturbatæ sunt cū Apostolos audirent abstinentiam, paupertatē, castitatem prædicare, quia in seipsis senserūt militare carnales concupiscētiās, vnde sibi imperare non poterant ab ipsis abstinere; sed commotæ sunt, qui *Domi-* *Marth*  
*no sermonem* Apostolorum cō- *16. 20.*  
*formante sequētibus signis pec-*

**130** *Expositio B. Andrea*  
catis, & idolatriæ mortui iu-  
stitiæ vixerunt. Reges autē, &  
potētes sæculi, qui antea cru-  
deles, rigidi, peruicaces ad-  
uersus prædicatores verita-  
tis insurgebant, *conturbati sūt,*  
dum furorem suum verti dif-  
ficilem ad reprehendenda, &  
castiganda sua vitia conuer-  
terunt. *Inclinati sunt* dum colla  
flecti nescia submiserunt iugo  
diuinæ legis, in eisque *terra*  
*mota est* verso in cœleste, quod  
in eis inerat terrenum.

Sed notandum, quod Pro-  
pheta dicit *dedit vocem suam*  
ad quam *mota est terra*, quia  
Apostoli non armis sæculari-  
bus armati strepitosum bellū  
vitiis indixerunt, sed loricati  
iustitia, armisque fidei præmu-  
niti exeruerunt *gladium spiri-*  
*tus, quod est verbum Dei*, indeq.  
*fortes facti castra verterunt ex-*  
*teriorum commutando corda*  
ho-

**Ep. b. 6.**  
**2.**

**Hebr.**  
**11. 34.**

hominū ita vt ex fordidis har-  
 ris vitiorum habitacula fierēt  
 in quibus *beneplacitum fuerit* *Ps. 67.*  
*Deo inhabitare.* Sed ò nos mise- *17,*  
 ri ipsis gentibus deteriores in  
 cuius auribus semper reboat  
 sonus verborum Dei, quique  
 semper in manibus habemus  
 diuina eloquia, & tamen cū  
 audiamus Dominum frequē-  
 ter, vel admonentem, vel  
 obiurgantem, vel premia pro-  
 mittentem, non expergisci-  
 mur, non conuertimur? quin-  
 imò superbi, & peruicaces, vel  
 renuimus iugari, vel iugati iu-  
 gum suaue confringimus di-  
 uinæ legis, & vincula rumpi-  
 mus mandatorum Dei. Igitur  
 si audierimus vocem Domini  
 loquentem nobis, non obdu-  
 remus corda nostra, & si sen-  
 serimus in nobis commoueri  
 passiones non perturbemur;  
 nam Deus erit in medio no-

132 *Expositio B. Andreae*  
strū, qui dabit vocem suam, unde commovebitur terra, quia terrenæ passionēs in nihilum redigentur.

**Dominus virtutum  
nobiscum : suscep-  
tor noster Deus  
Iacob.**

*Enim Dominus cælestium  
potestatum nobiscum est,  
suscipietque nos in clien-  
telam, non idolū mēdax,  
sed verum Deus quem  
coluit Iacob.*

**R** Esponsio hæc est taci-  
tæ obiectioni quomodo  
scilicet Apostoli pauci, iner-  
mes, rudes, omni prorsus au-  
xilio destituti hoc opus ag-  
gredi,

gredi, & perficere potuerint. Etenim ipsi prædicauerunt Euangelium omni creaturæ, ex plurium cordibus vitia radicatus euulserunt, mundum vniuersum nouauerunt tamquam nouale, feceruntque ut vbi oriebantur spina, vrtica, paliuri, vbi erat cubile draconum, & vbi dæmonia occurrebant, omniaque monstra, ita ut etiã lamia inibi requiem inuenirent: ibi Deus requiesceret agricola coelestis, & seminator casti consilii ad inferenda plantaria virtutum, quæ in omni tẽpore fructum facerent: & ad seminandum bonum semen multiplicandum in centuplũ, & in horreum Paradisi cõgregandum: ibique resideret Deus exercituum, qui est propugnator ad saluandum: quique omnia vitiorum monstra penitus dissipat, & diaboli tẽtamenta.

*Isa. 34*  
*13.*

# 134 *Expositio B. Andreae*

*Susceptor noster.* Susceptor proprie is est, qui in se suscipit causam difficilem, vt Aduocatus si causam pene ab omnibus derelictam suscipiat defendendam, & Medicus si infirmum suscipiat curandum, morti proximum. Vnde susceptor noster Christus est quem

1. Io. 2. *aduocatum habemus apud patrē*  
 2. *iustum, & qui solus potest pro-*  
 Ps. 102 *pitiis nobis esse, & redimere*  
 3. *de interitu vitam nostram.* Ipse  
 Is. 53. 3 *etiam medicus est infirmitatē*  
 Ps. 102 *probe sciens, & sanās, nullumq;*  
 3. *ægrum repellens, nam omnis*  
 Luc. 6, *turba quærebat eum tãgere, quia*  
 18, *virtus de illo exhibat, & sanabat*  
*omnes.* Is autem qui nos susci-  
 pit Deus est, qui erat, est, & erit,  
 vnde timere non possumus,  
 quia in Deo omnipotente, in-  
 finito, æterno transgrediemur  
 murum quarumlibet difficul-  
 tatum, & virtutem faciemus.

*Deus*



Deus Iacob, populi .s. Christiani, quem figurabat Iacob, eo quod electus fuerit præ populo Iudeorum licet iunior, sicuti Iacob dilectus fuit Esau reprobato. Vel si mauis in ethymo huius nominis mysterium intellige; cum enim significet *supplātatorem*, innuit Christum eos suscipere in suam tutelam, qui pugnant non aerē verberantes, sed castigantes corpus suum, colluctationem sumunt contra spiritualia nequitiae adeo obstinatam, vt non commoueātur donec supplātent eos qui cogitabant supplantare gressus suos. Is autem vere dicere potest *Susceptor meus Deus Iacob*, qui cum Apostolo confidenter dicere potest, *Omnia possum in eo qui me confortat*, nā in Domino confidens nunquam infirmabitur, etiam si infernus insurgat in eum. Si

igi-

Rom. 2  
13.

Gen. 27  
35.

Eph. 6  
13.

Pf. 139  
5.

Philip.  
4. 13.

# 136 *Expositio B. Andreae*

igitur Deus virtutum nobiscū  
 est, si causam nostram defen-  
 dendam is suscipit, qui *aduo-*  
*catus est iustus apud patrem, si*  
*Isa. 53* *languores nostros tollit, & por-*  
*4.* *tat dolores is qui est medicus,*  
 qui sanat omnes infirmitates  
 nostras, quid anxii trepida-  
 mus? imō in ipsis tribulatio-  
 nibus positi quid non spera-  
 mus? Nam *si Deus pro nobis*  
*Rom. 8* *quis contra nos?* quare etiam si  
*31.* in mortē tradamur viuemus  
 cum illo conformes facti vitæ  
 ipsius, nihilque solatii nō hau-  
 riemus ab eo, qui est *Deus to-*  
*2. Cor.* *tius cōsolationis.* Hoc expertus  
*7. 3.* sum in me ipso, qui in tribula-  
 tione mea gaudio superabun-  
 daui; cū .n. à sicario ter vulne-  
 ratus fuerim in ipsa infirmita-  
 te minime tribulatus sum,  
 imo sentii vulnera ipsa esse  
 mihi adiutorio, quia Dominus  
 fuit adiutor, & susceptor me-  
 us.

**7** Venite & videte  
opera Domini quæ  
posuit prodigia su-  
per terram: auferēs  
bella vsque ad fi-  
nem terræ.

*Venite igitur fideles animæ,  
& lumine fidei videte  
quæ prodigia fecerit Do-  
minus dum in pace stabi-  
liuit Ecclesiam suā, amā-  
datis procul armis in-  
imicorum.*

**V**enite inquit Propheta  
nō quidem accessu cor-  
porali, sed spiritali, non pe-  
dibus corporis, sed affectibus  
ani-

138 *Expositio B. Andrea*

animæ. Vbique Deus est, & ideo si surgas à torpore non restabit tibi longa via, nam

*Pf. 144*  
18.

*prope est omnibus, qui inuocant eum in veritate.* Nec elongatur

*Pf. 118*  
155.

*per peccata, quia longe à peccatoribus salus, eo quod iustificationes eius non exquisierint.*

*Mat. 25*

Etenim filius ille, qui dissipauit substantiã suã uiuẽdo luxurioso, nõ dicitur expulsus, sed abiisse in regionẽ longinquã, q̃a ipse à patre diuidi voluit, & discedere.

*Et videte.* Parum est si venias, & accedas per fidem nisi oculis fidei contempleris, quod Deus sit miserator, & iustus: primum quidem vt spem erigas, & non deprimaris, nam si Deus est, qui iustificat, quis est qui condemnet? secundum vero vt fræno timo-

*Rom. 8*  
3.

ris continearis ne cor tuum

*Pf. 130*  
1.

exaltetur, & ambulet in magnis super ipsum.

*Vi-*

*Videte opera Domini, quæ posuit prodigia super terram. Nedum vult Deus, quod consideremus opera, sed etiã prodigia. Nam quod hunc mundũ tam mirabili varietate condiderit, & quod eundem cõseruet prouidentia imperscrutabili, opus Dei magnum est, sed non prodigiosum, dixit Ps. 148. enim, & facta sunt omnia, mandauit, & creata sunt: et digito suo vniuersam molem terræ sustentat ordine tam inuariabili, vt quod præceptum ponit præterire nequeat, quia statuit omnia creata in æternum, & in sæculum sæculi. Prodigium autem erit, quod factus homo reputauerit delicias esse cum filiis hominum; quod cum hominibus sit cõuersatus; quod hominibus dederit corpus in cibum, & sanguinem in potũ; quod exinanierit semetipsũ*  
vsque

**140** *Expositio B. Andreae*

vsque ad mortem, mortē autem Crucis, q̄ descenderit ad inferos, vt educeret vinctos de tenebris, & vmbra mortis.

*Auferens bella vsque ad finem terra.* Cum verbum caro factum habitauit in nobis totus orbis fuit in pace compositus; non ex eo, quod rerū potiretur Octauianus, sed quia descendit in terras pax vera, quæ fecit vtraq. vnum. *Vel auferens bella* quatenus reconciliauerit nos Deo, fecerit homines socios Angelorum, sedauerit concupiscētias ne vltra aduersus animam militarent.

**8** Arcum conteret,  
& confringet arma:  
& scuta comburet igni.

*Arcum, arma, scuta, ut nullatenus unquam usui esse queant, & ne inimici ex bello bellum adornarent, ea vel contriuit, vel in ignem misit ardenda.*

**A**rcus significat quandoque Sacram scripturam in qua vetus testamentum ob duritiem est ferrum arcuatū nouum est restis, & in hoc sensu dicitur *arcum suum tetendit* Psal. 7  
 cum vetus testamentum per 13.  
 nouū, vel declarauit, vel dulcorauit. Quādoque significat potentiam, vt non enim in Psal. 43.  
*arcu meo sperabo*, vel auxilium, 7.  
 vt ex ipso *arcus praelij*. Hic autē Zach.  
 ponitur pro occultis insidiis 10. 4.  
 inimicorum, *Arma* autē pro manifestis inuasionibus, *Scuta* pro falsis defensionibus. Christus

142 *Expositio B. Andreae*

stus igitur *contrivit arcum* cum falsa consilia iniquorum dissipauit, vel fallacia diaboli tentamenta dissoluit, *Confregit arma* quando compressit vehementes impetus persecutionum, vel monstra in bonū conuertēdo, vt accidit in Paulo, Gordiano, & plerisque; vel mittendo eos in tenebras exteriores, vbi *vinculis æternis reseruabuntur in iudicium magni diei*, vt in Nerone, Domitiano, Diocletiano, & aliis visū est. *Combussit scuta*, vel cum peccatores detrussit in infernū æternū comburendos; vel cum igne vehementi Sancti spiritus eos adeo inflammauit, vt dolentes confiterentur sua scelera, qui prius excusabant excusationes suas in peccatis.



9 Vacate, & videte  
quoniam ego sum  
Dominus: exalta-  
bor in gentibus;  
& exaltabor in  
terra:

*Desistite ergo ab impijs ve-  
stris cogitationibus, mū-  
date à pravis affectibus  
corda, & animo penitus  
sedato in me solum intē-  
dite; sic enim videbitis,  
quod ego sim solus, & nō  
sit alius Deus prater me,  
qui in terra cum gentili-  
um, tum ludæorum ma-  
gnificabor, et glorificabor.*

**P**ER tria, quæ significat *vacare* monemur quomodo possimus nosmetipsos disponere ad contemplandū Deum. *Vacare* enim dicitur, qui est otiosus; qui cessat ab aliquo opere, quod patrarat; qui totus est in aliqua re: Gerat igitur animum à cogitationibus sæculi extricatum; Cesset omnino à peccatis, & quiescat agere peruerse; quā-  
 tus quātus est incumbat Deo, qui accedit ad ipsum cōtem-  
 plandum, *Vacate, & videte*, quasi dicat ideo maiestatem meam contemplari nequitis,  
*Pf. 61.* quia non effunditis corda uestra  
*9.* coram me, qui solus sum *Deus*  
*adiutor vester in æternum*; quia  
 non acceditis purificatis cor-  
 dibus coram me, qui *deorsum*  
*& non faciem ostendo* peccato-  
 ribus; quia toti non adhæretis  
 mi-

mihi; qui eos existimo inter  
seruos meos accēsendos, qui  
confitentur me in toto corde  
suo. Igitur accedite ad me,  
animo quieto contrito, & nō  
diuiso; sic enim cognoscetis  
me esse Deum, qui omnia ex  
nihilō creauī, qui omnium cu-  
ram gero, qui vobis regna cœ-  
lestia præparauī, qui pro vo-  
bis animam meam dedi pre-  
tiosissimā. Et per hæc cogno-  
scetis me *exaltatum nedum in*  
*gentibus*, sed etiam *in terra Iu-*  
*dæorum*, quos terram appel-  
lat, eo quod terreni erant vt-  
potè vsuris, voluptatibus, &  
rebus terrenis dediti: In illis  
autē Deus exaltabitur, cū abla-  
to velamine de eorū cordibus  
cognoscent Dominum Iesum.

Possunt etiam verba hæc  
intelligi prolata à Deo homi-  
ne factō, & crucifixo, & exin-  
de colligi vacuanda nostra

G

cor-

**146** *Expositio B. Andrea*

corda vitiis, desideriiis, & sollicitudinibus huius seculi si volumus contemplari Iesum, & hunc crucifixum: nam qui diligit terrena bona, nequibit in Christo paupere cœlestes diuitias meditari. Qui amat delicias auocabit mentem à

*Isa. 53*  
*3.*

*Christo viro dolorum, adeoque sciente infirmitatem, vt à planta pedis vsque ad verticem capitis non fuerit in eo sanitas. Qui deniq; superbus ambulat in magnis super se, non æstimabit in Christo, quod*

*Philip.*  
*3.8.*

*humiliauerit semetipsum factus obediens vsque ad mortem:*

**10** Dominus virtutū  
nobiscum : suscep-  
tor noster Deus  
Iacob.

Re-

**R** Epetit hunc versiculum,  
vt excitet spem feruentio-  
riorem in nobis ad expectan-  
da multa à Deo, qui cum sit  
Deus exercituum nobiscum  
est, susceptor, & defensor no-  
ster.

---

AVCTOR LECTORI.

**Q**uia inter soliloquia  
B. Andreę deerant  
eà, quę fusa ad  
Patrem æternum, & ad Spi-  
ritum sanctum facerent, uel  
ad preparationem acceden-  
di digne ad sacram sinaxin,  
vel ad gratias post ipsam  
agendam: statui hæc, quę se-  
quuntur, utcumque potui ex  
Sacra scriptura, & Sancto-  
rum Patrum sententijs ve-  
luti ex floribus fasciculos.

coagmentare: & ne pagellę  
 aliquot vacarent, aliud ap-  
 posui, quod oratio prepara-  
 toria dici potest ad sacram-  
 communionem, nam conti-  
 net paraphrasim verborum,  
 quę ex ritu Ecclesię profe-  
 runt communicaturi. Vtinā  
 sint ad Dei gloriam, & ijs  
 conducant, qui de corpore  
 Christi Domini sunt parti-  
 cipaturi.



## SOLILOQVIVM XVIII.

*Oratio ad Patrem post  
communionem.*

**P**ater misericordiarū, Deus  
immensæ maiestatis, fons  
inexhaustę bonitatis, quo ma-  
gis assurgo ad contemplandā  
magnificentiam tuam, eo ma-  
gis cognosco , quod minor  
sim cūctis miserationibus tu-  
is. Creasti etenim me ad ima-  
ginem tuam, vt qui videret  
me, in me contēplaretur opus  
tuum: & ad similitudinem, ut  
adamūsim tuę perfectionis  
in semitis tuis perficerē gres-  
sus meos. Vitam & misericor-  
diam tribuisti mihi , illam ut  
uitam degerem non anima-  
lem , sed quę esset à spiritu  
oris tui: hanc, quia cum uidis-  
ses me cōculcatum in sangui-

ne peccatorum meorum, libera-  
raſti de ſanguinibus, & rede-  
miſti de interitu vitam meā.  
Viſitatio tua toties cuſtodi-  
uit ſpiritum meum, quoties  
præſeruaſti me à laqueis ope-  
rantium mendaciū, & in con-  
ſpectu adſtantium inimicorū  
meorum factus es mihi adiu-  
tor. Sed non habet metas tua  
miſericordia Bonitas profu-  
ſiſſima, quamuis mea malitia  
metas nō habuerit; & ubi ego  
comedendo cibum vetitum  
in profundum deueni, tu ap-  
ponendo erga me cor tuum,  
dilectum ſcilicet filium tuum  
corroboraſti ſuper me miſeri-  
cordiam tuam, mentemque  
meam omnium cœleſtiū chā-  
riſmatum abundantia impin-  
guaſti.

Quid dicam, aut quid reſ-  
pondebo tibi Altiffime Do-  
mine? Certe quod non valeo

re-



respondere vnum nedum pro mille, sed pro infinito, ac proinde nil aliud dicam quoniam tu fecisti. Tu enim qui mirabilis es in operibus tuis, memoriam fecisti mirabilium tuorum dando hanc escam timētibus nomen tuum. Tu omnipotēs dedisti filio tuo omnia in manus, ut præbendo nobis semetipsum comedendum consummaret, & extenderet opus redemptionis æternæ, & reparationis antiquæ. Tu immensus per hoc sacramentum voluisti, quod offerretur in omni loco nomini tuo oblatio munda, vt inde cognoscerent omnes, quod magnum sit nomen tuum in gentibus. Tu Propugnator ad saluandum parasti in conspectu meo hanc mensam aduersus omnes, qui tribulant me. Tu medicus salutis hoc antidotū tribuisti quo

liberarer à culpis quotidianis, & à peccatis mortalibus præseruarer. Tu amator ardētissimus conscidisti faccum, corpus v3. filii tui in quo repositi erant omnes thesauri sapientiæ, & bonitatis tuæ, & diuitias tui amoris super nos effudisti. Tu vis vnitua cordiū dedisti nobis hunc panem, qui de Cœlo descēdit, vt comedētes cū maneremus in te, & tu in nobis. Tu Deus totius consolationis dedisti nobis hunc cibum in tēpore afflictionis, vt in terra falsuginis vbi non est nisi afflictio spiritus inebriati ab vbertate domus tuæ exultaremur, & lætaremur in te memores vberum tuorum. Tu Deus, & glorificator noster, ob immensam tuę clemētiæ largitatē hoc pignus perpetuæ hæreditatis nobis miseris præbuiisti, & per eum voluisti,

luisti, vt quadam anticipatio-  
ne in terris possideremus Cœ-  
lum.

Nunc Domine iure potes  
dicere, quid vltra potui face-  
re, & non feci, nam vltra extē-  
di nequit misericordiissima lar-  
gitas tua; dum enim frumen-  
to, & vino nos stabilisti, dedi-  
sti nobis, quod pulchrum, &  
quod bonum tuum est. Cur  
igitur non expergisceris ani-  
ma mea? cur non excutis pul-  
uerem mundanarum cogita-  
tionum? cur non surgis de te-  
nebris, & umbra mortis tran-  
slata iam in regnum dilectio-  
nis filii Dei, & consors facta,  
diuinitatis suæ? Cogita quod  
ideo corpore dilecti filii sui  
saginavit te Deus pater, ut ui-  
uas uita eius, adeo ut quic-  
quid cogitaueris sint cogita-  
tiones Dei, quicquid locuta  
fueris sint quasi sermones

Dei, quicquid ministraueris  
ea ministres tamquam ex vir-  
tute, quam administrat Deus.  
Recogita quod cū Rege glo-  
riæ iam cœnasti, qui cum di-  
scipulis suis facit Pascha: qua-  
re stude obedire uoci eius, nec  
discedere à regula sermonum  
eius, vt quotidie digna sis, qui  
voceris ad cœnam nuptiarum  
agni cœlestis. Considera quæ  
tibi apposita fuerint, & statue  
cultrū timoris nedum in gut-  
ture, sed in omnibus membris  
tuis, vt nihil vnquam sentias,  
audias, videas, loquaris, ope-  
reris, nisi quæ faciant ad ma-  
iorem gloriam omnipotentis  
Dei. Adhare Deo, quia vnum  
quid facta es cum filio eius;  
& quia cū corpore ipsius in-  
diuiduitatem accepisti, inde-  
corum reputa si non viuas de  
spiritu eius. Nulla creatura  
audeat te à Deo separare; nō  
mun-

mundus, quia si viuis Deo iam  
mūdus est tibi crucifixus; Nō  
caro, quia qui sunt Christi car-  
nem suam crucifixerunt cum  
vitiis, & concupiscentiis; Non  
mors, quia iā comedisti phar-  
macum immortalitatis; Non  
vita, quia iam habes diuinam  
misericordiam, quę est melior  
super vitas; Non Angeli, quia  
si tecum est Dominus Angelo-  
rum, omnes cælestes spiritus  
habes ministros salutis tuę;  
Non instātia nec futura, quia  
cum repleuerit in bonis desi-  
derium tuū nihil est amplius,  
quod quæras neque in Cælo,  
neque in terra; Non denique  
diabolus, quia dominico cor-  
pore impinguata facta es dia-  
bolo terribilis.

Spera in Deo, qui est saluta-  
re vultus tui, & Deus tuus; qui  
si adeo dilexit te, vt filium suū  
vnigenitū tibi daret, quomo-

156 *Soliloquia.*

do etiam cum illo omnia tibi donabit? Effunde corā illo cor tuum, quia adiutor, & protector tuus est. Exposce misericordiam, quia diues est in misericordia, & miserationibus; salutem quia est virtus salutis tuæ; fortitudinem quia ipse docet manus nostras ad præliū, & digitos nostros ad bellum; protectionē quia sub vmbra alarū suarū nos protegit. Si pauper es roga, vt eleemosynam accipias ab eo, qui habet diuitias in domo sua. Si infirma, dic, Sana me Domine, & sanabor saluam me fac, & salua ero, quia ipse est medicus sanans omnes infirmitates. Si cæca, clama, Illumina oculos meos ne vnquam obdormiam in morte, quia ipse nedum est salus, sed illuminatio nostra. Si clauda roga, vt te alleuet, & dirigat vt ambules

les semper ad laudandū Deū,  
quia ipse erigit elisos, & diri-  
git pedes nostros in viam pa-  
cis. Si deuia exposce, vt cōuer-  
tat te in viam rectam, redu-  
catque in semitas iustitiæ. Si  
anxia, quære ab ipso, vt diri-  
gat consilium tuum, & disci-  
plinam, ita vt in conspectu al-  
tissimi glorieris. Si deniq; ad  
nihilum es redacta, respiciet  
Dominus, quod facta sis vi-  
lis, & exaltabit te. Omnia tibi  
cum illo donabit, Patientiam  
nam dedit tibi escam confor-  
tantem in die tribulationis;  
Perseuerantiam, quia in for-  
titudine talis cibi ambulabis  
vsque ad montem Dei; Abdi-  
cationem à transitoriis, quia  
dedit tibi spiritualem dulce-  
dinem in proprio fonte degu-  
statam; Gratiam, quia in eo  
mens impletur gratia; Gloriā,  
quia est pignus futuræ glorię.

SO-

## SOLILOQVIVM XIX.

*Oratio ante communionem ad  
Spiritus Sanctum.*

**V***eni Sancte Spiritus* perfla  
hortum animæ meæ, in  
quem descensurus est dilectus  
meus, ut colligat fructum illi  
debitum, fructum. scilicet dulce, & odori  
ferum. Vide, & considera, quod  
huc usque dederim illi sterilita-  
tem, qui nec herbam virentem bo-  
næ spei germinavi, nec florem  
bonæ cogitationis, nec fructum  
produxi boni operis. Perfla il-  
lum, quia sic renouabitur fa-  
cies terræ, quæ germinans ger-  
minabit, & exultabit lætabun-  
da, & commutabitur desertum  
in Charnelum. *Emitte cælitus  
lucis tuæ radium*, quo videam me  
in peccatis mortuum, & tene-  
bris ignorantie obvolutum.

in-



indigere pane vitæ, & intellectu. *Pater pauperum* cōsidera, quod consumpserim omnem substantiam meam abeundo post amatores multos. Pater es, & ideo habes intra tua viscera affectum exorātem: Abij in regionem longinquam, reuoca me ad domum tuam. Nudus sū, operi me vestibus gratiæ tuæ. Fame pereor, da mihi vitulum saginatum corpus v3. Christi pro me in ara Crucis immolatū, quod repellat à me omnem famē, & me reficiat. *Dator munerum* prabe mihi diuitias gratiæ tuæ, ne vacuus appareā ante conspectum tuum. *Lumen cordium* discute omnes tenebras cordis mei, vt totum coruscet ad illuminationem lucis verę, quæ illuminat omnem hominem venientem in hunc mundum, totumque ardeat ad combustionem.

stionem calculi igniti, qui venit ignem mittere in terram.

*Consolator optime* da mihi lætitiā salutaris tui, vt sāturatus Deo laudem eum sēper cum iubilo cordis, & requirā eum, quia omnis consolatio, quæ Christus non est, amaritudo est amarissima. *Dulcis hospes animæ* adesto in me, purga me, adorna me, vt nihil in me reperiat Christus, quod oculos possit offendere maiestatis suæ. *Dulce refrigerium* refrigera animam meam ab omni æstu concupiscentiæ, vt inebrietur vino virgines germinante. *In labore requies*, fac vt de vniuerso labore, quo laboravi sub Sole, habeam satiari hoc pane vitæ, qui facit vivere in æternum. *In æstu temperies* tempora æstum iræ, vt non accedam velut tigris ad agnū Dei, qui tollit peccata mundi,

di,

di, & iratus ad Regem meum,  
 qui venit mihi mansuetus. *In*  
*fletu solatium* absterge omnem  
 lachrymā afflictionis ab ocu-  
 lis meis, sed postulare me fac  
 gemitibus inenarrabilibus,  
 quæ sunt lachrymæ consola-  
 tionis; vt hunc panem Ange-  
 lorum cum ipsis manducem,  
 & cum hoc fletu misceam ca-  
 licem salutis meæ.

Scis Domine, quod *Sine tuo*  
*lumine nihil est in homine*, &  
 ideo rogo, vt signes super me  
 lumen vultus tui, vt à fructu  
 frumenti, & vini multiplica-  
 tus in virtutibus, in pace Chri-  
 sti requiescam. Scis quod *Nihil*  
*est innoxium*, & ideo rogo te,  
 vt *Laues*, quod est sordidum, nam  
 tu solus poteris me lauare ab  
 iniquitate mea, & à peccatis  
 meis mundare: vt *Riges*, quod  
 est aridum, nam tu solus pote-  
 ris in spiritu misericordiæ cō-  
 gre-

gregare aquas gratiarum, quę reddant animam meam hortum irriguum; vt *Sanes quod est saucium*, nam congruum est, vt prius saner ab infirmitate, vt postea ascendere possim ad montem, in quo præparauit mihi Dominus conuiuium pinguium, & vindemiam defecatam.

*Flecte quod est rigidum* Dulcedo æterna, vt nihil in me reperiat asperum nil amarum. *is, qui vult, quod aspera fiant in vias planas, & affert secum magnam abundantiam suauitatis.* *Foue quod est frigidum* Ignis cœlestis, vt cum Deus veniet in cor meum, quod est mare feruens ob fluctus inundantes passionum, aquę ardeant igne charitatis. *Rege quod est deuium* Dux fidelis, vt te rectore perueniam in locum tabernaculi admirabilis ad  
epu-

epulandum coram Domino,  
& tali cibo recreatus non deficiam in via, sed confortatus ambulem vsque ad montem Paradisi: vbi cum patre, & tecum viuit Christus, qui est panis vitæ in sæcula sæculorum.  
Amen.

## SOLILOQVIVM XX.

*Oratio ad Spiritum Sanctum post  
communionem.*

**Q**uid retribuam Domino  
pro omnibus, quæ re-  
tribuit mihi, qui nec  
dicere possum Domine, nisi in  
virtute tua ò Sancte Spiritus.  
Reple os meum laude tua,  
quia quantumcumque glori-  
ficauero semper maior erit is,  
qui est maior omni laude.  
Ignis diuine descende super  
cor meum, & incende illud, vt  
fiat

164 *Soliloquia.*

fiat sacrificium meum, ita vt  
placeat tibi Domine Deus.  
Veni super me in spiritu iudi-  
cii, vt per hoc sacramentum  
auferas omnes reliquias meo-  
rum peccatorum; & in spiritu  
ardoris, vt diuina charitas,  
quam accendit in corde meo  
hic calculus ignitus ardeat  
seper super altare cordis mei.  
Præbe mihi *sacrum tuum septen-  
narium*, ita vt requiescat super  
me *spiritus intellectus*, quia in-  
sipientibus locutus es. Venite  
comedite panem meum ad hoc  
vtique, vt non sint amplius in-  
sipientes. *Spiritus intellectus*,  
quia cibatus sum pane vite, &  
intellectus, potatusque aqua  
sapietiae salutaris. *Spiritus con-  
siliij* in agendis, quia in eo or-  
dinas charitatem, quem in-  
troducis in cellaria Dei, vbi  
memor vberum tuorum exal-  
tabitur, & lætabitur in te. *Spiri-*  
*ri-*

*ritus fortitudinis*, nam panem fortium manducaui, & qui se manducantibus dat spiritus pinguedinem. *Spiritus scientia*, quia tuum est docere omnem veritatem, eamque tunc Apostolos docuisti cum cœlestibus deliciis in vltima cœna fuerunt pasti. *Spiritus pietatis*, vt pius sim erga omnes, qui erga me Deū sum expertus tam munificum. Repleatque me *Spiritus timoris Domini*, vt quantus sum semper spirē timorem Domini.

Ne permittas Domine in cor meum intrare sordes iniquitatum, quia fruens tanto sacramento cœlo purior esse debet, & ipso solari gladio splendidior. Fac quod labia mea nunquam loquantur iniqua, nam tacta ab hoc ignito calculo non debēt loqui opera hominum, sed sermones

Dei.

Dei.

166 *Soliloquia.*

Dei. Fac quod opera mea  
munda sint in conspectu Dei,  
quia tu solus es, qui potes fa-  
cere mundū de immundo cō-  
ceptum semine . *Da virtutis*  
*meritum*, quā tuum est ponere  
adiutorium super eum, quem  
hic panis potētem facit, quo-  
usque exaltetur electus de ple-  
be Dei. *Da salutis exitum*, tua  
enim perfecta sunt opera, vn-  
de opus salutis, quod in me  
incepisti signando super me  
lumen vultus tui, & vocando  
me per fidem in communio-  
nem sanctorum; quam profe-  
cutus est prębendo hanc escā,  
qua enutriti crescimus in cor-  
pore, & vnitate Christi, rogo  
vt ad calcem perducas, ita in  
exitu vitę meę sentiam virtu-  
tem exire de corpore Iesu via-  
tico peregrinationis nostrę.  
*Da perenne gaudium*, cuius pi-  
gnus in hoc sacramento iam  
de-



dedisti, vt in cœlo de te satia-  
tus satietate mirifica, nunquã  
esuriam neque sitiam, sed be-  
nedicam nomini tuo quoniã  
in æternũ tua misericordia,  
& cum iubilo laudem dicam  
tibi, qui cũ patre, & filio eius  
viuis, & regnas Deus in sæcu-  
la sæculorum.

SOLILOQVIVM XXI.

*Oratio ante communionem fa-  
cienda pro oportunitate Sa-  
cerdotis, vel eius, qui ad sacrã  
sinaxin est accessurus.*

**D**OMINE, Summe, Opti-  
me, Potentissime, Om-  
nipotentissime, Misericordis-  
sime, & Iustissime, Secretissi-  
me, Pulcherrime, & Fortissi-  
me; Stabilis & Incomprehen-  
sibilis, Immutabilis mutans  
omnia, nunquam nouus, nun-  
quam

quam vetus ; semper agens,  
 semper quietus ; Colligens, &  
 non egens, portans, & implēs,  
 & protegens: Creans, & nu-  
 triens, & perficiens. EGO, pu-  
 tredo, vermis, vmbra, vanitas,  
 mendax imò mendaciū, ni-  
 hil; qui toties auerti faciem à  
 Deo salutari meo, & conuerti  
 ad creaturas in quibus nō est  
 salus; qui dirupi iugum suaue  
 diuinæ legis, & ceruices sub-  
 didi iugo diabolidurissimi ex-  
 actoris ; qui iustitiam extrusi,  
 & introduxi iniquitatem ; qui  
 abieci sponte armaturam spi-  
 ritualem, & meis hostibus me  
 dedidi; qui amisi cœlum, & re-  
 gnum tenebrarum acquisiui;  
 qui consolationem renui, &  
 inueni desolationem, qui post  
 vanitatem ambulavi, & uanus  
 factum sum . NON SVM  
 DIGNVS , etenim si in An-  
 gelis tuis reperis prauitatem;

si

si cœli non sunt mundi in cō-  
spectu tuo; si terra mota est  
cum esset te mortuum recep-  
tura; si ciues Paradisi cum in-  
illum rediuium rediisti dixe-  
runt: Quis est iste Rex gloriæ?  
quis sum ego, qui audeam in-  
tra mē inuiscerare te Creato-  
rem meum? quantus sum, qui  
tam immenso hospiti possim  
hospitium præparare? qualis  
sum, vt valeā adornare thala-  
mum cordis mei, & suscipere  
te regem glorię noui luminis?

VT INTRES SVB TE-  
CTVM MEVM. Vide quā-  
tum audeam Domine! & vbi  
Iob vir simplex, rectus, timens  
Deum, & recedens à malo ha-  
buit pro magno, ut eum uisi-  
tares, & erga eum cor tuum  
apponeres: Ego homuncio  
nilissimus, & sordidissimus  
peccator, qui inconstans sem-  
per fui in omnibus uis meis,

H

qui

qui toties declinaui à tuis semitis, qui abieci timorem tuum, & adhæsi iniquitati: nō cōfundor te rogare, vt intres sub tectum meum: quasi parū sit exposcere à te, vt apponeres erga me cor tuum de me cogitando, vt me visitares in me respiciēdo, nisi adderem, Intra in me, immisce te mihi, in me cōtempera corpus tuū, vt in te habeam indiuiduitatem, ita vt vere dici possit, quod tu in me maneas, & ego in te.

SED Domine Deus creator meus, & virtus salutis meæ. Veni vt Saluator, & eripe me de aquis multis, quæ intrauerūt vsque ad animam meam. Veni vt Medicus, & sana omnes infirmitates meas. Veni vt Bellator, & eiiciendo fortem armatum, aufer a me ferream voluntatem meam.  
in

in qua confido. Veni vt Redemptor, & redime me ab hoste maligno captiuante me in lege peccati. Veni vt Rex, & fac vt totus sim positus in ditione tua. Veni vt Dux, & cōuerte gressus meos in testimonia tua. Veni vt Pastor, & colloca me in loco pascuæ, & super aquam refectionis tuæ. Veni vt lapis angularis, & cōpagina me in structura muri Ierusalem. Veni vt Magister, & fac vt discam a te, quod mitis sis, & humilis corde. Veni vt Pater, & regenera me: vt Lux, & illumina me: vt Via, & dirige me: vt Veritas, & doce me: vt Vita, & viuifica me.

DIC TANTVM VERBO:  
Tu Verbum caro factum, vt habitares in me, firma me verbo tuo, quo firmati sunt Cœli, vt ordinatione tua perseverando enarrem gloriam

H 2 tuam.

tuam. Dic verbum, quod dixisti Zacchæo, quod hodie in domo mea oporteat te manere, vt ego dicere possem hodie salua facta est anima mea. Dic verbū, quod dixisti Magdalenæ, & fac vt adeo te diligam Deus meus, ut remittantur mihi omnia peccata mea. Dic verbum, quod dixisti Chananæ, & disperge omnes inimicos, qui uexant animam meam. Dic verbum, quod dixisti Matthæo, & fac ut omnibus abdicatis, te solum sequar Redemptorem meum. Dic verbum quo resuscitasti Lazarum à monumento, & resuscita me in peccatis mortuum, in sepulchro positum, quatríduanum, fetidum; quia obduratus, & in pēdore uitiorum obuolutus iam cōputrui. Dic verbum quo uocasti Petrum, & Andream, & fac

fac ut continuo relictis omnibus, quæ possideo, quæ amo, quæ spero, sequar te quocunque ieris.

ET SANABITVR ANIMA MEA: Quæ enim infirmitas potest esse ubi est salus? quæ debilitas ubi firmamentum? quæ cæcitas ubi lux? quæ ignorantia ubi sapientia? Accedo igitur fiducialiter etiam si immundus sim ad te, qui uis, & potes me mundare. Accedo ut pauper ad te, qui es diues in misericordia, & miserationibus. Accedo ut imbecillis ad te, qui es fortitudo mea. Accedo ut ægrotus ad te, qui ut medicus non uenisti uocare iustos, sed peccatores. Accedo ut ovis errans ad te, qui es pastor meus. Accedo ut nihil ad te, qui es Creator meus. Veni obsecro misericordia superfluens, & erue me in

mirabilibus tuis, ut detur gloria nomini tuo. Omnipotentia æterna crea in me cor mundum, & spiritum rectum innotua in visceribus meis. Infinita bonitas demerge in te omnes iniquitates meas, ita ut ante te super niuem appaream dealbatus. Sapientia æterna intra potenter in animam meam, profliga cunctos hostes meos, consume cuncta vitia, & defectus meos, remitte cunctas iniquitates meas. Illustra intellectum meum lumine veræ fidei. Inflamma voluntatem meam feruentissimo amore tuo; serena memoriam meam dulcissima tua præsentia; & cunctis potentis animæ meæ virtutem talem tribue, ut in me noua sint omnia, cor scilicet, voces, & opera. Esto mihi in Deum protectorem, & in locum refugii, ut saluum

me



*Soliloquia.* 175

me facias ab omnibus inimicis meis nunc, & in hora mortis meæ, vt adductus à te in montem sanctum tuum, & in tabernacula tua, ibi laudem dicam nomini tuo, & dicā sēper quoniam tu es Bonus, & in æternum misericordia tua. Amen.

**L A V S D E O.**

1.004.399

**H 4 IN-**

# INDEX RERVM, quæ in his Soliloquiis continentur.

So. significat Soliloquium. Ps. Psal-  
mum. Prior numerus Solilo-  
quium. Secundus pa-  
ginam.

## A

**H**omo debet amare Deum, & quare,  
so. 1. p. 2. so 6. 35. so. 9. 69. Debet  
amare ex toto corde, ibid. & so. 2. 11.  
so. 3. 13. so. 7. 40. so. 9. 57. so. 12. 77.

Quid sit amare Deum ex toto corde, so.  
1. 6.

Quare vult Deus, quod eum amemus, so.  
2. 2. so. 3. 15.

Quare posuit in cordibus nostris legem  
amoris, so. 1. 6.

Cur homo non amat Deum quantum de-  
bet, so. 1. 5.

Amor Dei facit nos fortes contra inimi-  
cos, so. 3. 15. Abstrahit nos à creatu-  
ris,

# I N D E X.

*ris, so. 6. 32. Destruit peccata, so. 6. per totum. Acuit intellectum ad intelligendum mirabilia de lege Dei, so. 24. 26. Facit nos Deo similes, so. 6. 4.*

*Amor Dei erga homines in passione Christi cognoscitur, so. 8. & 9. per tot. præcipue in vulnere cordis, so. 9. 55.*

*Nullum malum debet nos separare ab amore Dei, so. 11. 71.*

*Obduratus est homo, qui non amat Deum, so. 10. 61.*

*Peccatum impedit ne nos amemus Deum ibid.*

*In amore Dei feruentissimi DD. Franciscus, & Catharina Senes : & ideo eruditissimi in diuina lege, so. 5. 28.*

*D. Antonius fortis contra diabolum, quia amabat Deum, so. 3. 13.*

*B. Andreas in tribulatione expertus est Deum adiutorem suum ps. pag. 111. In ea superabundauit gaudio, ps. pag. 136.*

*Animâ iusti ciuitas est Regis altissimi, ps. pag. 126. & 127.*

*Quare super Apostolos descenderit Spiritus*

# I N D E X.

*ritus Sanctus in linguis igneis, so. 5. 26*

*Ideo Apostolis Christus nō dixit multa, quæ babebat illis dicere, quia non erant perfecti in charitate, so. 5. 27.*

*Ibant Apostoli gaudentes à conspectu concilij, so. 12. 74. Dicti mōtes, ps. pag.*

*114. & 115. Flumina, ps. pag. 123.*

*Rui fontis æterni, ibid. Bene patientes erant, vt annunciarent verbum Dei,*

*ps. pag. 121. Diuina virtute freti ex mundo radicitus vitia euulserunt, ps.*

*pag. 130. 133.*

*Aqua significant populorum frequentiam, & tumultum, ps. pag. 120.*

*Arcus quid significat, ps. p. 141.*

*Arma quid significant, ibid.*

## B

**B***Eatos quid sit æternum viuere, so. 9. 19.*

*Bonitas diuina ad amandum illum nos excitat, so. 1. 2.*

## C

**C***haritas necessaria, vt opera nostra sint meritoria, so. 3. 15.*

*Vide Amor.*

*Chri-*

# I N D E X.

*Christus nobis natus, & nobis datus totus, so. 13. 81. Pro nobis homo factus, et quæ pro nobis fecerit, passusque fuerit pie explicata, so. 13. 80. Eius passio pie explicata, so. 8. per tot. ubi ipsius promptitudo ad patiendum, sudor, nuditas, opprobria, flagella, corona spinea, crux, & so. 9. ubi crux, & lancea. Cur recubuit in domo Simonis leprosi, so. 10. 63. Cur in cruce non dixit Doleo, sed Sitio, so. 8. 49. Cur voluit, quod à plâta pedis vsque ad verticem capitis non esset in ipso sanitas, ibid. Dicitur lapis abscissus absque manibus, & ex lapide mons factus, ps. pag. 116. Susceptor noster, ps. pag. 134. Medicus, ibid. Deus Iacob, ibid. Abstulit bella, ps. pag. 140. Cōtrivit arcum, confregit arma, cōbussit scuta, ps. pag. 142. Eius incarnatio præferenda est creationi, ps. pag. 139. Christus in cruce piè explicatus, so. 9. 56. Quis verè cōtemplari potest eum cruci affixum, ps. pag. 146. In eius morte petrarum, scissio, terræ motus, monumentorum,*

## I N D E X.

*Apertio piæ, &c. explicata, sol. 8. 53.  
Vide Eucharistia.*

*Cor nostrum ad Deum dirigendum, so. 4.  
28. so. 11. 67.*

*Chore significat Christum, ps. pag. 103.  
Cur filij eius à terra non fuere absor-  
pti, ps. pag. 102.*

*Creaturæ omnes propter hominẽ, so. 2. 11.  
In cruce inuenitur verum gaudium, ,  
ps. pag. 124.*

## D

**D***avid auctor fuit omnium psalmo-  
rum, ps. pag. 103.*

*Damnatos æternũ mori quid sit, so. 4. 19.  
Delicijs non inhærendum, nec diuitijs, so.  
12. 73.*

**DEVS** *susceptor est eorum, qui ad ipsum  
confugiunt, so. 4. 23. Non intelligitur  
nisi ametur, so. 5. 25. Ipse solus supple-  
re potest ea quibus indigemus, so. 7.  
43. solus potest satiare desiderium no-  
strum, nosque sanare, reficere, instrue-  
re, so. 10. 63. & so. 15. 88. Cur factus  
sit homo, so. 6. 34. so. 7. 38. 39. Cur fa-  
ctus sit obediens, seruus, pauper, mor-  
talis,*

# I N D E X.

*talís, ibid. & so. 6. 32. Cur voluit fieri frater noster, ps. pag. 105. Cur dicatur peculiariter Deus hominum, ps. pag. 105. Est refugium, virtus, & salus nostra, ps. p. 107. 108. Est longanimior in lege noua, quam in veteri, ps. pa. 112. Suscipit in sui clientelam resistentem vitijs, ps. pa. 135. Prope est omnibus inuocantibus eum, ps. pag. 138. Nec se elongat nisi ab eo, qui ab ipso discedit, ibid. Ad Deum debet homo fiducialiter accedere, so. 6. 32. ipsi adherere, et mundum relinquere, so. 10. 60. Amā. dus, & timendus est quare, so. 6. 35. Cogitat semper cogitationes pacis, & in afflictionis, so. 8. 48. Vide Christus, Eucharistia.*

*Diabolus semper intendit nostram ruinā, so. 3. 15. E*

**C***ustodia diuina erga Ecclesiam, ps. pag. 125. Diuina electio quando coniungitur cum sanctificatione, psal. pag. 122..*

*Eucharistia est nostrum viaticum, so. 15. 91. Protectio aduersus omnes, qui nos tri-*

## I N D E X.

tribulant, ibid. Debilitat vires inimicorum, fo. 17. 98. 99. Aufert gustum rerum mundanarum, fo. 17. 98. Sanat nos, reficit, recreat, illuminat, præbetque nobis omne id quod necesse est, fo. 15. per tot.

Christus in Eucharistia Patri offerendus, fo. 14. 87. Per eam supplet omnes indigentias nostras, fo. 15. 88. in ea ostendit se mirabilem, omnipotentem, immensum, propugnatorem, medicum, amatorem, consolatorem, glorificatorem, pag. 150. 152. in ea diuina misericordia metus non habuit, pag. 150. in ea dicere Deus potest quid ultra potui facere, & non feci, pag. 153.

Obedientia præparatio ad Eucharistiam, pag. 154.

Qui digne sumit eam omnia bona sperare, & petere debet, pag. 156.

Verba illa, Domine non sum dignus, vt intres, &c. quam proferunt communicaturi piè explicata, fo. 21. per totum.



# I N D E X.

## F

**Q**uantum valeat vera fides, ps. pag.  
117.

Accedentem ad Deum oportet credere, ps. pag. 138.

## G

**G**audium verum in Deo tantum haberi potest, so. 12. 73.

## H

**H**omo debet se totum Deo, & quare, so. 3. 13. so. 5. 23. 24. Debet amare filium Dei pro se hominem factum, so. 7. 39. Debet Deo totum, multum, & plusquam, multum, & totum, so. 7. 42. Debet accedere ad Deum licet pulvis, pauper, & paruulus sit, so. 8. 45. Quod à se non habet usurpare potest ex meritis Christi, so. 14. 86. Quare creatus sit ad imaginem, et similitudinem Dei, pag. 149. Homini nihil boni accedere potest, quod non est Deus, so. 10. 64. Homini quæ beneficia præstiterit Deus, so. 7. 41. Homini non inherendum, so. 12. 73.

in

# I N D E X.

*in hominib. nō est salus, ps. p. 107. Homo quod à se non habet vsurpare sibi potest ex meritis Christi, sol. 14.86. quinam verus homo dici potest, so. 1.9 Honores fugiendi, so. 12.73. Humilitas est via ad exaltationem, sol. 13.80.*

## I

**I***acob Patriarcha figura populi Christiani, ps. p. 122. & viri iusti, qui peccatis resistit, ibid.*

*Intellectus nunquam circa divina illuminabitur, nisi prius affectus inflammetur, so. 5.25.*

*Iudæorum corda terrena, ps. pag. 145.*

*Iusti etiam in tribulatione positi laudant Deum, psal. pag. 106. Semper iustorum est adiutor Dominus, ps. pag. 109. & seq. Iusti sunt Tempia Dei ab ipso electa, & sanctificata, ps. p. 122. In ipsis adest Dominus tamquam agricola, & tamquam dux, ps. p. 133. Vide Amor, Christus, Deus.*

# I N D E X.

## L

**C***vr* Christus post mortem voluerit lancea vulnerari, so. 9. 53.

*Liberalitas Dei ad illum amandum nos excitat, so. 1. 2.*

*Longanimitas diuina non debet esse occasio, quod peccatores obdurentur, ps. pag. 112.*

## M

**F***ortitudo martyrum ex amore Dei procedit, so. 3. 16.*

*Metaphoris vtitur sacra scripturas, psal. pag. 118.*

*Misericordia diuina cum iustitia est consideranda, ps. p. 133.*

*Misericordia indigebamus, quia multæ erant nostræ miseriæ, so. 1. 5.*

*Mons significat Christum, ps. pag. 116.*

*Montes significant Apostolos, ps. p. 115.*

*& 116. Potentes seculi, ps. pag. 118.*

*Mortis consideratio utilis, ps. p. 120.*

*Mundi illecebræ fugiendæ, so. 10. 60.*

*Mundana non dant nisi afflictionem spiritus, & cur, so. 11. 68.*

# I N D E X.

## N

**N**atura cursus mutatur in vindictā  
malorum, & in laudem bonorum,  
ps. pag. 103.

Novissimorum consideratio utilissima, ps.  
pag. 120.

## O

**O**bduratio peccatorum pessima, psal.  
pag. 131.

Ad orationē requiritur puritas conscien-  
tiæ, separatio à mundanis, & omni-  
moda attentio, ps. pag. 144.

## P

**I**n passione Christi cognoscit quilibet  
pretium redemptionis animæ suæ, so.  
8. & 9. per tot.

D. Paulus in tribulationibus expertus est  
Dominus adiutorem, ps. pag. 110.

Peccator quomodo possit habere confi-  
dentiam accedendi ad Deum, so. 7. 42  
43. Oratio ipsius ad Dominum, ibid.

Non potest dicere Dominum Deū suū,  
non Refugium, non Virtutem, nō Ad-  
iutorem, ps. pag. 108. Non debet ob-  
durare cor suum ad vocem Domini,

ps.

## I N D E X.

*ps. pag. 131. Cum peccatores conuertuntur terra mouetur, conturbantur gentes, inclinantur regna, ps. pag. 128. &c. Eorum conuersio nequit esse absque conturbatione passionum, quæ in ipso sunt, ps. pag. 129. Peccatum est paries inter nos, & Deum interpositus so. 10. 62.*

*Psalmorum omnium auctor fuit David, ps. pag. 103.*

*Psalmus 45. Eucharisticus est, psal. pag. 103.*

## S

**S***ancti dicuntur tabernacula Dei, ps. pag. 122. Illis cooperantur tribulationes in bonum, ps. pag. 124. In illis requirit Dominus prudentiam serpentis, ps. pag. 119. & 120. Vide Iusti.*

*Scriptura sacra eadem re modo utitur in bonum modo in malum, ps. pag. 118. Arcus est, quam tetendit Christus, ps. pag. 141.*

*Scutum quid significet, ibid.*

*Spiritus sanctus dat uerbum euangelizantibus, quod nequit alligari, ps. p. 121.*

## I N D E X.

*Quomodo ueniat in animam iusti in  
spiritu iudicii, & in spiritu ardoris, ps.  
164. Eius dona pie explicata, sol. 13.  
pag. 83. 164. & 165. Sequentia Veni  
Sancte Spiritus, pie explicata, so. 19.  
et 20. per tot.*

*Susceptor quis nam sit, ps. pag. 134.*

## T

**T***Imendus est Deus, so. 6. 35.*

*Tribulatio iustos non affligit, sol.  
12. 74. 75. Imò in illis parit letitiam,  
ps. pag. 124. 136. Quare in illa positi  
Deum laudant, ps. pag. 106.*

## V

**V***itia qui calcat nanciscetur Deum  
susceptorem, ps. pag. 135.*

## F I N I S.

# Loca aliquot S. Scripturę pię explicata.

**F**Aciamus hominem ad imaginem, &  
similitudinem nostram Gen. 1. 26.

pag. 149.

Arcũ suum tetendit, & parauit, Ps. 7. 13

pag. 141.

Miserator, & iustus, Ps. 111. 4. 138.

Vulnerasti cor meum soror mea, &c.

Cant. 4. 9.

53.

Domine si uis potes me mundare Matth.

8. 3.

93

Si habueritis fidem, &c. dicetis monti

huic, &c. Matt. 17. 19.

116

Diliges Dominum Deum tuum ex toto,

&c. Matt. 22. Marc. 12. Luc. 10.

pag.

6. 9. 36. 57

Historia filij prodigi Luc. 15.

159

Quis ergo nos separabit à charitate Chri-

sti Rom. 8.

115

## Errata sic corrige.

pag. 36. Illum cor. Deum

pag. 60. meretriceo, cor. meretricio

pag. 69. exurrierit cor. esurrierit

p. 95. alienigenorū, cor. alienigenarū

pag. 115. supere eminebant, cor. su-  
(pereminebant.

pag. 119. inducit cor. induit















